



歷代名賢列女氏姓譜卷之二十

湘鄉 蕭智漢雲澤氏纂輯

男秉信明甫氏校

上平聲

七虞

蘇氏

六

蘇邁字伯達軾長子知仁化縣文章政事綽有父風以政最遷雄州防禦推官終駕部員外郎

蘇易簡字太簡梓州銅山人父協登蜀進士歸宋任開封兵曹參軍終光祿寺丞贈秘書丞易簡少聰悟好學手度奇秀才思敏贖隨父開封賈黃中教之年纔弱冠所試三千餘言立就太宗方留心儒術覽之稱賞擢冠甲科解褐將作監丞通判昇州遷左贊善大夫右拾遺知制誥雍熙

氏姓譜

卷二十

七虞

蘇氏

一

初郊思進祠部員外郎二年與黃中同知貢舉以妻弟崔範在選罷奉朝請未幾復官年三十官翰林學士方易簡充貢時宋白為知舉至是與白同列士論榮之淳化中同知京朝官考課遷中書舍人至學士承旨舊制曲宴侍從皆預坐禮廢已久易簡請復之又續唐李肇翰林志二卷以獻帝賜詩嘉美以輕綃飛白大書玉堂之署四字勝于廳額韓丕畢士安李至等往觀上遣中使賜宴易簡與宰相李昉各賦詩紀其盛他日直禁中觀上試敬器易簡奏持盈守成理固如之願陛下慎終如始以固丕基天下幸甚充郊祀禮儀使知審官院易簡引唐故事請以宣祖太祖同配又言初任京朝官未歷州縣不得擬知州通判詔皆可之改知審刑院俄掌吏部選遷給事中參知政事與同僚趙昌言忿爭不協罷為禮部侍郎出知鄧州移陳州

素性嗜酒上常書勸酒二章以示戒至道二年卒年僅二十九上歎惜贈禮部尚書爲人外若坦率中有城府屬文通釋典所著文房四譜并文集二十卷在翰林八年上待之若賓友眷遇實絕倫輩時李沆後入在其下而先參政上持授易簡承旨以均錫賈易簡以親老急于進用因亟言時政闕失遽得參政帝自是不復有款接意但正色責以吏事易簡悔之有父友同鄉何光逢代人充試易簡知貢舉常屏出之光逢造謗書指斥朝政且譏易簡遂逮捕棄市然非易簡本意居常快怏毋薛氏賢明常入朝上賜坐問何以教子成此令器對曰幼則束以禮讓長則教以詩書上顧左右曰眞孟母也易簡頓首謝曰陛下以孝治天下獎及人親臣曷勝榮幸三子宿壽耆祥符間皆祿之

氏姓譜

卷二十

七虞

蘇氏

二

以官者有才名爲工部郎中直集賢院

蘇舜欽字子美耆之子也少慷慨有大志狀貌怪偉當天聖中病學者爲文多務對偶乃獨與穆修爲古文歌詩一時豪俊靡然從之初以蔭補齋郎調榮陽尉究心時務會玉清昭應宮災詣登聞院上疏不報舜欽又上書言前孔道輔范仲淹剛直不撓致位臺諫一旦皆罹中傷竄謫而去使正臣奪氣鯁士咋舌物情閉塞上位孤危軫念于茲可爲驚怛尋舉進士改光祿寺簿知長垣縣遷大理評事監在京店宅務康定中河東地震復疏言二大事一曰正心夫治國如治家治家者先修己修己者先正心二曰擇賢語皆切要范仲淹薦其才召試除集賢校理監進奏院奮院當祀神舜欽與右班殿直劉巽用鬻故紙公錢召妓樂設宴御史中丞王拱辰廉得之諷其屬論奏事下開封

芴治舜欽異坐自盜除各同會知名士十餘人皆罷逐先  
是舜欽娶宰相杜衍女衍方與仲淹富弼在政府欲更張  
庶事故拱辰等不便之是舉欲因以搖衍也久之復起爲  
湖州長史寓居蘇州買水石作滄浪亭益讀書發憤爲歌  
詩其體製豪放往往驚人善草書每酒酣落筆爭爲人傳  
及卒世尤惜之

蘇舜元字子翁舜欽兄也精悍任氣節爲歌詩亦豪健尤  
善草書舜欽不能及官至度支員外郎三司判官

蘇昞字季明武功人素性純茂強學篤志行年四十不求  
仕進從張載學最久釐其文爲十七篇自謂最知大旨秦  
中賢士大夫多稱之後見二程復師事以卒其業元祐末  
呂大中以布衣薦爲太常博士元符中昞上書言事得罪  
入黨籍邪等編管饒州過洛館于尹焞之家頤訪焉問當

氏姓譜

卷二十

七虞

蘇氏

三

初上書爲國家計邪爲身計邪昞曰爲國家計耳忻然赴  
貶所尋卒

蘇澄字棲真真定人爲道士住龍興觀得養生之術後  
唐明宗名問命宰相馮道致書諭旨歷清泰天福中堅辭  
聘命不至開運末契丹主兀欲加以恩命亦不受時貴李  
崧和凝日造其室相與談宴賦詩以贈周廣順顯德中詔  
存問之太祖征太原還駐蹕鎮陽召見行官語以京師作  
建隆觀思得有道之士居之師可行乎對曰大梁帝宅浩  
穰繁會非林泉之士所可寄迹上察其意卽不之強賜茶  
百斤絹二百駕幸其觀問師年踰八十而氣貌益壯其術  
安在對曰臣之養生不過精思練氣耳帝王養生卽異于  
是因誦老子我無爲而民自化我無欲而民自正無爲無  
欲凝神太和上古聖君享國永年得此道也上大悅賜紫

衣一襲并銀器絹帛卒年百歲

蘇紳字儀甫泉州同安人父光誨紳及第歷宜復安三州推官改大理丞盛度推其文已所不及由是知名遷太常博士復舉制科擢祠部員外郎通判洪州上十議進直史館爲開封推官判三司鹽鐵仁宗時以應詔上言安化蠻蒙光月寇宜州鈐轄張懷志六人戰死叢爾小醜兵衆不過三四千輒敢肆其侵擾蓋由往者守將失計國家姑息太過之故臣聞祥符中蠻人騷動其時興兵討伐惟安撫都監馬玉勒兵深入多所殺獲知桂州曹克明害其功志不得逞宜州吏民咸惜之使當時領兵者皆如玉則蠻當殄滅無今日之患矣臣觀蠻情所恃者地險據高臨下大軍難以並進然其壤土磽确資蓄虛乏勢可以緩圖不可以速取今廣東西教閱忠敢澄海湖南北雄武等軍皆慣

氏姓譜

卷二十

七虞 蘇氏

四

涉險阻所習兵器與蠻畧同請速發詔宜州策應命轉運備軍食待春秋之交嵐氣已息進軍據其出路向得便利卽圖深入可以傾蕩巢穴杜絕蹊逕使進無鈔畧之獲退無攻守之備然後諭以國恩許以送款而徙之內郡收其土地募民耕種仍詔旁近諸蠻諭以朝廷恩威毋得互相騷動如獲首級卽優賞以金帛因此一役必皆震善可保數十年無俶擾之虞矣朝廷施用其策遣馮伸已經制之蠻遂平又陳便宜八事重爵賞慎選擇明薦舉異章服適才宜擇將帥辨忠邪修預備帝嘉納之進史館修撰擢知制誥朝林學士禮吏二部郎中與王素歐陽修不協改龍圖閣學士知揚州復入翰林充史館修撰權判尙書省紳銳于進取善中傷人論王德用至有宅枕乾岡貌類藝祖之語帝惡之改侍讀學士集賢修撰知河陽感疾卒爲人

博學多智喜言事嘗請罷連日視朝復唐制入閣間開便殿延對輔臣寬制舉科格以收才傑選命諫員勿侵御史職事元昊反請名邊帥爲入討之計與梁適同在兩禁多挾智數不爲清議所容沒葬丹陽

蘇頌字子容神子也第進士歷宿州觀察推官知江寧時承李氏後版圖無藝征斂高下吏胥藉手頌因他事互詰丁產詳其隱蔽剗剔夙蠹簡而易行諸令視以爲法民有忿爭論以鄉黨宜相親善往往謝去或半途而返監司觀頌設施歎曰非吾所及也調南京留守推官歐陽修服其處事精審一經閱覽可不復省盡委以政杜衍亦器之曰如君真不可得而親疎者悉語以入官至侍從宰執所以施設處置曰老夫非自矜以子相知且知異日必爲此官耳頌後履歷亦畧似衍皇祐五年召試館閣校勘同知太

氏姓譜

卷二十

七虞 蘇氏

五

常禮院至和中有司請建大臣家廟下頌議謂禮大夫士有田則祭無田則薦今若參今古制爲之差等錫以土田然後廟制可行不然時雖建立子孫無爵無土祭亦易廢請考案唐賢寢堂祠饗儀止用燕器常食而已嘉祐中議立郭后神御殿頌言臣詳玩勅書上云向因忿鬱偶失謙恭此則無可廢之事又云朕念自歷長秋僅周一紀逮事先后祇奉寢園此則有不當廢之實又云可追復皇后其禘廟謚冊並停此則前後情禮又不相當請祔后于廟加一懷哀愍之諡以成追復之道庶盡之矣曾公亮重之議不行遷集賢校理在館九年嘗奏仁廟山陵遺詔務從儉約有司乃以土所不產并不時難得之物強賦諸郡邑詔皆罷去英宗立改提點開封府界諸縣鎮公事建言周制六軍出于六鄉在三畿四郊之內唐設十二衛亦散布畿

丙郡縣又以關內諸府分隸之皆所以臨制四方爲國藩  
衛本朝禁兵多屯京師及畿內東南諸縣而西邊武備殊  
闕今中牟長垣都門要衝舊制不設屯兵閭無防守請置  
營益兵以備非常明年飢民果乘虛犯長垣戕官吏如所  
慮又請以獲盜多寡爲縣令殿最謂巡檢縣尉但能捕盜  
不能使人不爲盜能使人不爲盜者縣令也且民羅剽劫  
之害而長官獨可不任其責乎遷度支判官送契丹使宿  
恩州適驛舍火郡人洵洵唱使者有變左右請出避不動  
州兵欲入救頌閉門不納徐使防卒撲滅之帝聞稱善擢  
淮南運使名修起居注知審刑院知金川張仲宣坐法當  
杖脊黥配頌言古者刑不上大夫雖其人無可矜所重者  
汗辱衣冠耳遂免其杖黥著爲令俄進知制誥以駁李定  
除御史詔忤王安石落見職除知婺州方泝桐江水暴迅

氏姓譜

卷二十

七虞

蘇氏

六

哀號救母母甫及岸舟覆人謂孝感尋加集賢院學士知  
應天同鄉呂惠卿語曰苟一詣我政可得也聞之不應凡  
更三赦得授秘書監知通進銀臺司吳越飢選知杭州時  
轉運司繫百餘人責逋市易錢頌命釋之立期使償果不  
煩而足轉右諫議大夫使契丹遇冬至其國歷後宋歷一  
日問孰是對曰算術不同時刻小異各從其見可也使還  
帝善其對因命考據八十餘年盟誓禮幣聘使儀式勒爲  
一書及成賜名魯衛信錄元豐初權知開封坐陳世儒殺  
母事或譖欲寬其死雖得白罷知濠州改河陽滄州名判  
尚書吏部兼詳定官制舊以吏部主文選兵部主武選帝  
謂三代兩漢本無文武之別議者不知所處頌言唐制吏  
部有三銓法分品秩掌選事今欲文武一歸吏部則宜分  
左右曹掌之每選更以品秩分治自是吏部始有四選法

又問宗子主祭承重之義對曰古者貴賤不同諸侯卿大夫皆世爵故有大宗小宗主祭承重之義匹士庶人初無預焉近代不世爵宗廟不立尊卑無統其長子孫與衆庶亦無以異今五服嫡孫爲祖父爲長子斬衰三年世俗論爲承重不知爲承大宗之重也臣聞慶歷中朝廷議百僚應任子者長子與長孫差優與官餘皆降殺亦近古宗法之意請詣禮官博士參議禮律合承重者立爲宗子以繼祖禰異于衆子孫士庶人不當同用一律使人知尊祖不違禮教也除吏部侍郎遷光祿大夫母喪中使唁勞賜金元祐初拜刑部尙書兼侍讀奏言國朝典章沿襲唐舊乞采君臣所行日進數事以備聖覽因詔經筵官遇非講讀日進漢唐故事二條頌所進可爲規戒有神時事者必述已意反復言之每進讀至弭兵息民必援引古今以動人

氏姓譜

卷二十

七虞

蘇氏

七

主之意遷吏部尙書前後掌四選每選人改官吏求瑕垢故爲稽滯頌敕吏某官緣某事當會某處仍引合用條格同上自是吏不得逞有訴者取贖使自閱其不服者必往復詰難度可行行之疑則爲奏請或建白都堂故選官多感德卽不得所欲亦心服而去五年由翰林學士承旨擢尙書左丞行樞密院事邊帥得諜言阿里骨死國人未知所立衆議契丹官趙純忠謹信可任願乘其未定以勁兵數千擁入其國立之頌言事未可知若越境立君設彼拒而不納得無損威重乎當徐觀其變俟其定而撫輯之未晚也已而果妄七年拜右僕射兼中書侍郎在位務奉行故事使百官守法遵職量能授任杜絕僥倖深戒疆場之臣邀功生事論議有未安者毅然爭之時羣臣奏事但取后旨帝有言或無對者惟頌奏太后已必稟帝命有宣論



必命諸臣聽聖語及后崩章惇用事周秩劾之帝曰頌知  
君臣之義毋輕議乃免黃易爲御史有敢諫名旣擢監司  
因赦令反下遷蘇州頌執不可楊畏來之邵指爲稽留詔  
命遂上章辭位罷爲觀文殿大學士集禧觀使知揚州告  
老以中太一宮使居京口紹聖四年加太子少師致仕徽  
宗進太子太保爵趙郡公建中靖國元年薨年八十二輟  
朝贈司空頌器局闊遠不與人校短長以禮法自持雖貴  
自奉如寒士事祖母及母養姑姊妹與外族數十人甘旨  
怡悅婚嫁以時妻子衣食或反不給晏如也富弼嘗稱爲  
古君子潁州通判趙志忠自言已雖僉人見誠義則慕平  
生心服者惟頌與魏公耳自書契以來凡經史九流百家  
之說至于圖緯律呂星官算法山經本草無所不通尤邃  
律歷常請別製渾儀卽命提舉奏用吏部令史韓公廉曉

氏姓譜

卷二十

七虞

蘇氏

八

算術有巧思授以古法爲臺一層上設渾儀中設渾象下  
設司辰貫以一機激水轉輪不假人力時至刻臨則司辰  
出告某星躔度所次占候不差晷刻晝夜晦明皆可推見  
前此未有也深明典故喜爲人言亶亶不絕朝廷有所制  
作必就而正焉嘗議學校欲博士分經課試諸生以行藝  
爲升俊之路議貢舉欲先行實而後文藝去彌封謄錄之  
法有司參考其素行之自州縣始庶幾復鄉貢里選之遺  
範論者韙之

蘇庠澧州人以詩名蘇軾一見比之唐李白自是清名籍

甚時當國者誘以美官庠笑而謝之紹聖初徐俯在樞院  
力薦于朝不起後徙居丹陽秦檜欲召見庠曰吾老矣不  
忍販賣雲壑卒年八十餘號後湖居士有文集行世

蘇爲知邵武軍政尚清簡在郡有詩爲人傳誦後袁轍作

守讀其詩因爲詩云手掬樵溪塵可洗恨無雄筆繼蘇爲  
蘇福潮陽人幼穎悟絕人出口成章若有神助八歲能詩  
其初一夜月詩云氣朔盈虛又一初嫦娥應事半分無却  
于無處分明有恰似先天太極圖

蘇伯材字延構晉江人紹聖末進士知湖陽縣有富民殺  
其姪女浼吏密懷白金數百兩置于前且白其事伯材械  
治之事連縣佐部使者以聞詔褒其能知韶州憲司吏執  
翁源縣平民爲賊以幸賞賂縣令梁格使獄死伯材廉知  
事狀以聞于朝格坐黥海島伯材有文集周易解義三十  
卷兄珍玠子松俱登第

蘇欽字伯承德化人政和中第進士除江西帥屬贛卒叛  
爲帥漕畫策平之知巴州舊例有脚乘三千緡悉以代民  
輸賦移閬州首陳州之利病大事復却例錢互送錢諸司

氏姓譜

卷二十

七虞 蘇氏

九

以治最薦得旨再任未幾除利州路轉運判官又條時政  
五事上之卒于成都慶元間編修高宗實錄索欽行狀家  
集奏狀并御筆俱上之按輿化軍志云欽遷居仙遊

蘇大璋字頤之古田人父鴻以陰德聞大璋少穎悟年十  
三通周易大義慶元中登進士第嘉泰中邑大水居民墊  
溺重以飢饉大璋上書乞常平使者蘇霖躬臨振濟民賴  
以活爲道州教官以闡揚正學爲已任名試館職除秘書  
省正字累遷著作即轉對力言禁錮僞學之非忤大臣意  
遂累章丐外知吉州歸自號雙溪

蘇堞字廷儀龍溪人登慶元第爲肇慶府推幕有廉介聲  
天資好學凡未見書必借閱或手抄不輟博通經史玩心  
理學集先儒詩易二札傳折衷已見履行純篤士流慕之  
蘇丕青州人祖德祥建隆四年狀元丕有高行少時一試

禮部不中拂衣去居洶水之濱五十年不踐城市歐陽修言于朝賜號冲退居士

蘇堅字伯固澧州人選臨濮主簿遷錢塘寺丞督開西湖與東坡倡和甚多東坂從僮耳北歸猶寄詩四首有靈均一去楚江空澧陽蘭芷無顏色之句養直其子也

蘇耽漢郴人事母以孝聞嘗遇異人授神仙術因侍膳母志鮮卽出市鮮以獻問所從來曰便縣母始異之一日忽掃庭除母問其故曰仙術已成上帝來名母曰汝仙去吾誰養乃留一櫃云所需卽有又云明年大疫取庭前井水桶葉救之耽仙去已而果疫母日活百餘人宋元符中賜號冲素真人

元

蘇大年字昌齡以字行真定人僑居揚州元末官翰林編

氏姓譜

卷二十

七虞

蘇氏

十

修亂後避兵居吳張氏闡藩特用爲參謀稱蘇學士先吳亡而卒爲詩文尙氣不喜衰颯有江海襟懷晚年自號西坡又稱林屋洞主竹石師東坡松木師廉宣仲畫家崇之蘇天爵字伯修真定人父志道歷官嶺北行省郎中天爵由國學生中公試名第一授薊州判官泰定元年擢應奉翰林文字至順元年預修武宗實錄改南臺御史慮因湖北湖北地僻遠天爵冒瘴毒徧歷其境因有言寃狀者輒爲之太息每事詳究雖暑夜猶篝燈治文書不倦順帝元統初拜監察御史在官數閱月疏凡四十五上大畧謂法令朝廷所定廷尉天下之平或笞或杖受宣者必申稟中臺或降或黜無例者必定擬刑部是慎重守法不敢輕于用刑今動輒曰省院臺勿用則當用者宣政資政之選乎是降爲雜職矣又曰有選衙門勿用無選者孰敢用乎是

不復得叙矣且職官犯賊猶有一貫至三百貫之分至論  
其罪則有殿降叙不叙之別豈有一遭論奏或犯在草前  
或事涉疑似輒坐雜職任用之科終身不叙之列豈法之  
平允哉且犯罪至于流遠家屬尚留京師被劾未至當刑  
起遣卽歸鄉里蓋緣無事可尋強生掇拾潔白素著特爲  
染污致使高尚之人聞而退藏有志之士亦爲歛避當路  
興乏全才之嘆後世有國無人之譏其于世道甚有關係  
前後所劾者五人所薦舉百有九人預修文宗實錄遷翰  
林待制尋除中書右司都事兼經筵參贊官至元六年遷  
吏部尚書參議中書省事是時朝廷更立宰相庶務多所  
弛張天爵言無顧忌夙夜謀畫鬚髮盡白至正四年由西  
臺侍御史召爲集賢侍講學士兼祭酒自以起家諸生進  
爲師長端已悉心以範學者明年奉使宣撫京畿究民疾

氏姓譜

卷二十

七虞

蘇氏

七

香其興除者七百八十三事糾劾者九百四十九人以忤  
時相意坐不稱職罷七年復起江浙參政改大都路都總  
管以疾歸俄起爲兩浙都轉運使十二年紅巾賊自淮右  
蔓延江東詔仍江浙參政總兵饒信開恢復一路六縣以  
憂卒于軍嘗著國朝名臣事畧十五卷元文類七十卷爲  
文長于紀載平易溫厚詩尤得古法時中原前輩凋謝殆  
盡天爵獨身任一代文獻之寄討論講辨雖老弗倦學者  
稱爲滋溪先生有松廳章疏五卷春風亭筆記二卷遼金  
紀年黃河原委未及脫稿云

蘇耀素至正間平谷縣尹操守廉潔民有善詞律挾害善  
良者耀素召至取其清狀書諸粉壁其人遂改行由是政  
聲日著不數年拜內臺御史

蘇照字明遠建安人至正間以明經薦至京預纂修事欲

授以官以親老辭精翰墨稱爲建安名儒  
蘇濟涇縣尹暗練政務奉公恤民有德政碑民謠曰四民  
藝業通縣官有蘇公又曰三載民無憂賴有蘇汝舟汝舟  
濟字也

蘇金字用之號淨信居士少因荒亂無師逢人卽捧書質  
問稍長文藝皆通明兵下吳人民凋耗金貨舟往訊親故  
篷底獲布囊一中有金銀器各數事金艤舟以俟失者至  
悉還之一無所取嘗夜有盜踰牆足躡假山石仆犬驚不  
能去金覺與錢一千俾作生理戒無爲此盜感愧卒爲善

蘇夢陽萬歷間爲雲南祿豐知縣三十五年十二月武定  
賊鳳騰霄反圍雲南府城轉寇祿豐夢陽率民兵出城力  
戰賊退去明年元旦方朝服祝釐賊出不意襲陷其城執

氏族譜

卷二十

七虞

蘇氏

七

之去不屈死贈光祿少卿有司建祠錄一子

蘇奎章嘉靖中筠連諸生從父入山猝遇虎奎章倉皇泣  
告願舍父食已虎曳尾徐去後爲岷府教授

蘇平字秉衡弟正字秉貞海寧人兄弟善屬文尤長于詩  
竝以布衣終與劉溥湯允勳沈愚王淮晏鐸鄒亮蔣忠王  
貞慶號景泰十才子

蘇恭讓玉田人舉聰明正直任漢陽知府爲治嚴明而不  
苛有重役輒詣上官反復陳說多得減省當時漢陽人言  
郡守則稱恭讓

蘇伯衡字平仲金華人宋門下侍郎轍之裔也父友龍受  
業許謙之門官蕭山令行省都事明師下浙東坐長子任  
閩謫徙滁州李善長奏官之力辭歸伯衡警敏絕倫博洽  
羣籍爲古文有聲元末貢于鄉太祖置禮賢館伯衡與焉

歲丙午用爲國子學錄遷學正被薦召見擢翰林編修力  
辭乞省覲歸洪武十年學士宋濂致仕太祖問誰可代者  
濂對曰伯衡臣鄉人學博行修文詞蔚瞻有法太祖卽徵  
之入見復以疾辭賜衣鈔而還二十一年聘主會試事竣  
復辭還尋爲處州教授坐表箋誤下吏死二子恬怡救父  
并被刑

蘇從善字晉卿當塗人明初爲長興州知州廉介警敏善  
于治理時州治新倡從善闢田野集戶口贊軍政休養生  
息民懷其德

蘇葵字伯誠順德人以翰林編修陞江西提學僉事性剛  
介不苟合太監董讓構陷之理官附董欲加之刑南昌諸  
生數百人號泣白冤擁入扶蘇去事竟得雪其名愈彰歷  
福建右布政使

氏姓譜

卷二十

七虞

蘇氏

十三

蘇伯厚名坤以字行建安人聰明博學元季累薦不起以  
養親讀書爲樂洪武乙丑有司以明經薦授建寧府訓導  
遷晉府伴讀未赴成祖卽位以知者薦與修高廟實錄擢  
翰林侍書復與修永樂大典遷檢討兩典會試備講東宮  
蘇敏洪武中知廬州府蒞政八載吏民肅然州縣德之雖  
童稚亦皆稱頌卒于官闔郡之人爲之垂涕

蘇仲簡名境以字行建安人臨之子善文辭與兄伯厚弟  
叔敬季雅自相講授洪武初以明經薦授崇安縣訓導所  
著有敬所小集

蘇銓洪武初柳州衛指揮僉事謀畧過人首劄公署操兵  
有法賊攻劫融縣銓率兵奮擊賊敗散後復聚衆剽掠銓  
設法擒之自此畏服不出民賴以安

蘇鑄字良金建安人伯厚子永樂間以明經舉屏中書舍

人陞吏部驗封司主事尋改員外郎與纂修事轉稽勳司郎中食四品俸所著有金臺寓稿

蘇鈺字良聲別號竹坡建安人性孝友尤穎敏純篤喜讀書好吟咏善書翰及寫竹石花木山水爲人所珍雖居城市日閉門不干與世事一時士大夫咸禮敬之所著有竹坡吟稿二十卷藏于家

蘇旻字舜夫嘉定人父病竭力迎醫治瘵弗愈及卒哀毀幾絕獨負土治墓結廬其側悲號不少置一日雨甚水侵墓旻荷鍤決之獲金五錠人以爲孝感所致旻不自私盡買藥治棺以施人父有遺產悉讓諸弟知縣王術重其孝義贈之以詩

蘇昭宜都人童稚時日記于言後爲南平令致仕一日江濱遇一孤子守骸而泣昭問其由對曰父知巴縣歿于此

氏姓譜

卷二十

七虞

蘇氏

內

死無所依昭遂出貲殮之得殯成化間邑人杜姓者五人飢甚逼食于人執于官誣以盜罪昭上書當道得伸

蘇潤桂林人景泰中惠州府同知郡治前有交衢兩集淖深居市者患焉爲出官錢覓以石達之郭外民便之博羅長樂諸學宮久圯捐俸修葺爲之一新諸如長沙港蘇村堤比保寧橋尤爲堅固其盡心勤事與民興利如此

蘇恭則樂昌人洪武丁卯以春秋中鄉試授刑曹陞廣西右參政廣故獠蠻多反側恭則寬恤柔服率從要束征南將軍韓觀性躁好殺恭則數諫止之全活甚衆號蘇佛子

蘇純字草庭湘陰人孝宗時舉人事父母及繼祖母盡孝先後居喪不入內寢者七載葬母百事躬親中寒疾卒正統中旌表

蘇志舉固安人嘉靖中知瀏陽縣邑根多虛射貧民有攤

贈之苦志舉力行保甲法俾無田者歸于有田公私稱便俗尚淫祀志舉謂非有功德于民者弗在祀典乃盡毀之蘇彬桃源人以縣多荒田科額累民上疏請蠲不報洪武二十八年擊登聞鼓自縊其下得疏懷中詔免糧二萬二千石民甚賴之萬歷間有司立廟以祀

蘇顯字文明桃源人初以歲貢肄業南監事將竣惟餘六日適繼母訃至家人欲少匿之俾得卒事顯聞之卽日發喪後孝宗戊午應天鄉試授儀真教諭端範造士歲裔捐俸以周貧餒陞清陽知縣未半載入覲遂乞休

蘇源上海人孝宗四年知鄞縣詢察民隱殷然如家人父子嘗自署一聯云臥理優游與民樂居心嚴密有天知

蘇美義寧人正德間庠生志行醇篤侍母病親嘗湯藥默禱願以身代及母沒哀痛骨立既葬廬于墓側期年以憂

氏姓譜

卷二十

七虞

蘇氏

五

死鄉閭莫不稱嘆

蘇勤東安人六世同居宗族和睦成化間有司上其事以聞

歷代列女

蘇氏名蕙字若蘭陳留令武功道質第三女也秦州刺史扶風竇滔之妻識知精明儀容秀麗謙默自守不求顯揚行年十六歸于竇氏滔甚敬之然蘇性近于急頗傷妒嫉滔字連波右將軍真之孫朗之第二子也風神秀偉荷堅委以心膂備歷顯職皆有政聞遷秦州刺史以忤旨謫成煥煌會堅寇晉襄陽慮有危逼藉滔才畧乃拜安南將軍留鎮襄陽焉初滔有寵姬趙陽臺歌舞之妙無出其右滔置之別所蘇氏知之求而獲焉苦加捶辱滔深以爲憾陽臺又專伺蘇氏之短讒毀交至滔益忿焉蘇氏時年二十



一及滔將鎮襄陽邀其同往蘇氏忿之不與偕行滔遂攜陽臺之任斷其音問蘇氏悔恨自傷因織錦迴文五采相宜瑩心耀目其錦縱廣八寸題詩三十餘首計八百餘言縱橫反覆皆成文章其文點畫無缺才情之妙趨古邁今名曰璇璣圖然讀者不能盡通蘇氏笑而謂人曰徘徊宛轉自成文章非我佳人莫之能解遂發蒼頭賫至襄陽焉滔省覽錦字感其妙絕因送陽臺之關中而具車徒如禮邀迎蘇氏歸于漢南恩好逾重蘇氏著文詞五千餘言屬隋季喪亂文字散落追求不獲而錦字迴文盛見傳寫

蘇氏女嘗于嘗溪西南岸遇道士以小龜遺之光彩五色曰三年有徵蘇適張景明生女名要兒後爲陳霸先后因名其地曰貴溪浦初其浦中生重臺蓮花識者曰主出美人后生紫光照室因失龜所在少聰慧美容儀手爪長五

氏姓譜

卷二十

七虞

蘇氏

六

寸色竝紅白

蘇氏女蘇某信都富人女十人爲擇良婿張文成往見焉蘇曰此雖有才不能富貴幸得五品卽當死矣魏知古時已及第然未有官蘇云此雖形質黑小然必當貴遂以長女嫁之其女髮長七尺黑光如漆諸妹皆不及有相者云此女當不嚙宿食諸妹笑知古曰只是貧漢得米旋煮故無宿飯其後魏爲宰相每食一物已上官供蘇氏婦軾母也姓程氏仁霸女幼通經史有氣節適蘇洵生軾軾洵游學四方程教三子以書甚嚴每語家人曰二子必不忝蘇門軾嘗讀范滂傳慨然太息請曰軾若爲滂母許之否乎夫人曰汝能爲滂吾顧不能爲滂母邪蘇氏延安夫人丞相子容妹曾子宣內也有詞行于世或以爲東坡女弟適柳子玉者所作非也

蘇子瞻嬀名春娘子子瞻謫黃州臨行有蔣運使餞子瞻  
子瞻命春娘勸酒蔣問春娘從否子瞻曰欲還母家蔣曰  
吾以白馬易春娘可乎諾之蔣爲詩云不惜霜毛兩雪蹄  
等閒分付贖娥眉雖無金勒嘶明月却有佳人捧玉卮子  
瞻答詩曰春娘此去太匆匆不敢啼嘆懊恨中只爲山中  
多險阻故將紅粉換追風春娘徹衽而前曰妾聞景公斬  
廐吏晏子諫之孔子廐焚不問馬皆貴人賤畜也學士以  
人換馬則貴畜賤人矣遂口占一絕云爲人莫作婦人身  
百般苦樂由他人今日始知人賤畜此生苟活向誰喚辭  
謝下階觸槐而死

蘇氏真定武用妻也用疾蘇剖股爲粥以進疾卽愈生子  
德政四歲而寡夫兄利其資欲嫁之不聽未幾夫兄舉家  
死惟餘三弱孫蘇取育之知巳子及德政長事蘇至孝當

氏姓譜

八卷二十

七虞

蘇氏

七

蘇死時天大旱德政方掘地求水以供葬事忽二蛇躍出  
德政因默禱焉二蛇一東一北隨其地掘之果得泉人謂  
蘇氏孝義之報

蘇氏婦大理寺丞程文應之女追封成國夫人有女幼好  
學長能文適母兄程濟之子之才詩云鄉人嫁娶重母黨  
雖我不肯將安去

蘇氏名小卿題金山寺詩云憶昔當年折鳳凰至今消息  
兩茫茫蓋棺不作橫金婦入地當尋折桂郎彭澤曉烟迷  
宿夢瀟湘夜雨斷愁腸新詩漫寫金山寺高掛雲帆上豫  
章

蘇氏汀都人大學生汪恕之妾也生子鑑恕病草蘇不知  
所出引厨刀割臂療恕刀利自腕透臂下肉負創甚怒霍  
然愈而蘇瞑矣華亭陳繼儒傳其事

蘇氏王湘妻年二十一生一子而湘亡哀泣成疾幾不起及塋夫預爲已壙以示終歸踰十年子亦死有富貴家欲奪其志蘇泣曰吾守志爲夫非爲子也若相逼吾卽爲王氏鬼耳竟守一室晨夕悲號淚傾兩目竝誓年六十餘卒蘇氏名妙真常熟人黃迪妻迪卒蘇年二十二將殯之自縊屍傍家人馳救之伏枕慟咽水漿不入口者三日服除里人間其賢欲娶之蘇聞以刀斷一指示志內外驚嘆不敢復言年七十七而終

蘇氏華亭蘇侍御一齊之女庠生沈胤嘉之室也生子成歆二十七而寡母子依其叔以居築一樓寢處其上凡十五年成歆補庠生娶婦始一下梯家人得見其面孀居五十年卒年八十一

蘇氏女幼聞河中永樂縣出棗無核食之可度世女因自氏姓譜 卷二十 七虞 蘇氏 夫

小獲而食之不食五穀年五十顏如處子

蘇氏劉欽妻年二十三夫卒子僅週歲後爲府學生孤苦萬狀世其憐之年八十六歲卒以家貧無他族故未旌舉蘇氏施宏猷母楚雄縣人蘇年十九守節翁姑隣其幼勸之嫁輒痛哭流泣誓以死撫孤襁褓卒育成名萬歷間奉旨旌表

蘇氏武志賢妻也徐溝人年十九而夫亡子甫週家貧甚蘇勤紡績養姑孝姑卒以禮塋之永樂三年旌表其門

蘇氏婦伯玉妻伯玉被使在蜀久而不歸其妻居長安思念之因作詩寫之盤中屈曲成文故云盤中詩也

蘇氏醴陵人鄒上實妻也賊兵肆掠蘇逃匿明坤坡賊獲之操刃逼脅蘇罵賊引頸受戮賊怒殺之

蘇氏名湘蘭蘇朝宗女也年十四父病屢醫不痊湘蘭焚

香割股以進父旋愈及適王氏備翁姑復病劇氏禱天長齋以祈痊卒賴以安事翁姑皆年至八十曲致孝謹氏亦享年七十餘知縣楊學孔旌表之

蘇氏庠生張斗明妻艾年礪節其子長仲甚穉季猶襁褓奉姑撫孤訓三子皆游泮入太學卒年八十餘知縣表其廬曰媿美相舟

蘇氏千戶王承恩妻生一女二子而夫故氏年二十三歲或勸再適氏曰吾非不能死以奉吾夫于地下念姑老在堂子女皆幼誓事姑撫子以繼夫志耳姑曰汝夫不存留汝事我無子而有子也及子大用教養成入治裝遣赴京以襲父職忽病危女一妹割股救甦人以爲天報節婦

俞氏 平聲又吐溜切今爲平聲之氏甚多望出漢東河間

氏姓譜

卷二十

七虞

俞氏

九

歷代名賢

俞縱宜城人成帝時桓彝爲宜城內史蘇峻之亂彝遣縱守礪石與峻將戰將敗左右勸其還守縱不從曰吾之不負桓侯猶桓侯之不負國也卒死于難寇平追贈興古太守

俞歸官至侍御史

南北

俞僉爲永嘉郡吏值孫恩之亂太守司馬逸之被害妻子竝死兵寇之際莫敢收藏僉以家財旨難棺殮逸之等六喪送至都塋畢乃歸鄉里元嘉中老病卒

唐

俞文俊荊州江陵人載初間新豐因風雷山移奸人奏以

爲瑞武后信之改名慶山四方畢賀文俊詣闕上書臣聞  
天氣不和寒暑併人氣不和疢贅生地氣不和隄阜出今  
陛下以女主處陽位反易剛柔故地氣隔塞而山變爲災  
乃今號稱慶山臣以爲非慶也臣愚謂宜側身修德以答  
天譴不然恐殃禍隨至后大怒流于嶺外爲六道使所殺  
俞胤淇州南昌人徙居汾水登進士第以詩名于時與方  
干賦詩相往還

俞靈瓚河間人入衡山九真觀修道十餘年南岳赤君授  
以回風術行之二十年能坐見天下事如在掌中然自晦  
不爲異以驚俗唐憲宗元和中郴州官吏見其談說始驚  
異之卽曰我偶然耳非有知也遂閉關不出後入九疑山  
絕粒

宋

氏姓譜

卷二十

七虞

俞氏

三

俞獻卿字諫臣歙人與兄獻可少以文學知名皆登進士  
有能稱獻可歷吏部郎中龍圖閣待制三司鹽鐵副使獻  
卿起家安豐尉有僧貴寧厚積其徒謀殺之托以遊方不  
歸獻卿給言素與寧善豈有不告而行其徒色動因執之  
得所瘞尸一縣大驚調昭州軍事推官公使緡錢盡用平  
糶積穀數萬會宜州陳進亂象州守不任事欲棄城走檄  
獻卿往佐之至則爲畫堅守計州賴以安收大理寺丞歷  
遷殿中侍御史三司鹽鐵判官言天下比祥符初穀帛日  
益耗物價日益高稻苗未立而和糶糶葉未吐而和買自  
荆湖江淮間民愁無聊轉運使務刻剝以增其數歲益一  
歲何所底止誠以景德較之天禧凡官吏之要冗財用之  
盈縮力役之多寡賊盜之增減其利害較然可知加以國  
用日侈大甚于前夫卮不盈者漏在下木不茂者蠹在內

宜與公卿大臣朝夕圖議而亟更之帝納其言爲罷諸官  
觀兵衛除無益之費以鉅萬計淮浙鹽利不登命往經度  
更立新法歲增課甚衆徙開封判官選爲陝西轉運使奏  
邊臣邀功涇原鈐轄擅于武英州鑿邊壕置堡皆度必招  
寇亟請罷之未幾敵人果至殺將士塞所鑿壕而去徙京  
西條上邊策言趙振堪將帥范仲淹明鎬可大用除福建  
都轉運使還判三司鹽鐵勾院累遷集賢院學士知杭州  
江湖溢大發卒鑿石作堤數十里民以爲便還勾當三班  
院加通進銀臺司最後知應天以刑部侍郎致仕卒

俞汝尚字退翁烏程人少時讀書崑山爲人溫溫有禮讓  
論不苟發澹于勢利不以貧乏撓其懷聞人嘉言善行記  
之不忘時復爲人道之登進士歷導江新繁二縣令無營  
心于進取所資公田悉以周舊令之家熙寧初簽書劍南

氏姓譜

卷二十

七虞

俞氏

三

西川判官與趙抃同僚抃每退坐便齋諸吏莫敢至惟汝  
尚排闥徑入相對清談竟暮王安石當國患一時故老不  
同或言汝尚有清望可驛名諸京寘之御史使以次彈擊  
知所以薦用之意汝尚力辭得免親故有責以不能爲子  
孫地者笑曰是乃所以爲其地也還家苦貧未能忘祿養  
又從抃青州以屯田郎中致仕優游數十年二蘇孫覺李  
常皆賦詩文嘆美之妻黃氏亦高尚當六月暑甚寢室不  
可居出舍于門語曰人生七十者希吾與汝皆過之可以  
行矣妻應曰然則我先去後三日妻卒爲作銘甫庀其喪  
告諸子曰吾亦從此逝矣相去纔十日隱几而終孫仲紹  
興中官至敷文閣直學士

俞侯宣和中知歸安縣凡事處之以公朱勳請括諸路隱  
匿田縣獨不與鹽法屢變私販者罪甚重縣獨寬之

俞偉字仲寬四明人元祐初知順昌縣初縣民生子多不舉偉集耆老諭以理貧者許贍以粟所活不可勝計多以偉之姓字各之俗婚娶尙侈偉戒以儉而省浮費民有健訟者反覆開諭悉感謝去縣治前大溪艱涉偉率富民出資編舟爲梁以濟之復籍廢寺田數十畝儲租以備繕修爲縣幾兩考木生連理粟一莖十二穗民歌誦焉  
俞亞佛年十一母鍾氏病亟侍調湯藥衣不解帶乃焚香告天刲股愈之亞佛父廷用與大父大成皆嘗刲股至亞佛三世云咸淳丁卯旌表

俞紫芝字秀老揚州人少有高行不娶得浮屠氏心法所至翛然而工于詩王荆公愛重之其詩有夜深童子喚不醒猛虎一聲山月高之句

俞夔字堯臣象山人魁岸修偉晝漁夜讀登元豐進士時

氏姓譜 卷二十 七虞 俞氏 三

舒亶平辰沅寇奏夔籌畫功爲幕府第一終建德宰孫茂系乾道二年進士拜和州通判臨政以平允見稱于時  
俞宗亨字兼善山陰人知漳州罷溪港津渡之權減去經總制錢苛取者著述有山林思古錄羣經感發等書四十餘卷

俞易直字平叔歙人尉彭澤不苟取不沽名以母老不仕歸嘗有病縣令盧知原往視之問以後事曰棺已具衣已浣附葬先塋他無所須也盧退遺以錢五萬易直曰吾素貧豈以五萬錢變吾志哉

俞夢龜銅陵人始生時母夢羽士授之黃龜因名生卽有齒能言夢中嘗有讀書聲六歲背誦六籍九歲應童科授秘書正字

俞若著通判宜州黃庭堅謫居是州時黨論甚嚴士夫側

制劄掃迹惟若著經理舍館敬遇不怠遣二子執諸生禮  
俞澆字清老紫芝弟也不娶滑稽諧謔曉音律能歌王荆  
公喜之晚年作漁家傲等詞山行歌之一日云吾欲爲浮  
屠公欣然爲置祠部約日祝髮後乃曰吾思僧亦不易爲  
公所贈祠部已送酒家矣荆公大笑

俞括紹聖中以承議郎判虔州蘇軾稱其博學能文敏于  
從政而恬于進取嘗與軾書欲棄官從學自虔罷歸道病  
卒于廬陵虔之士民有巷哭者

俞觀能字大任夔子紹興初應詔詣闕上書特授德安府  
錄事參軍登十二年進士時二聖尙狩沙漠九重旰食觀  
能哀古今君臣孝弟事曰孝弟類鑑凡七卷上之授審察  
江陰軍教授改秩而卒

俞極宣城人好禮喜士乾道中寧國府上言其義居累世  
氏姓譜 卷二十 七虞 俞氏 三

不析詔旌門閭并復其家

俞豐字應南建寧人乾道中登第自知秀州召爲金部郎  
官遷中書舍人嘗言命令不可不謹守令不可不擇除吏  
部侍郎上言人主當振紀綱不可假外戚以柄不報以華  
文館待制奉祠

俞庭椿字壽翁臨川人乾道八年進士仕終新淦令庭椿  
有大志而廉介自將見者莫不喜其才服其敏愛其清嘗  
出使金人自北地還因紀次其道路所經山川人物與夫  
語言事蹟之可備採用者爲北轍錄

俞汝霖字季澤遂安人有智畧慶元初辰州叙浦山獠作  
亂汝霖應募與官入洞生擒毀其穴又捕九溪全洞之賊  
補承信郎官都轉運使階金紫光祿大夫

俞誠一字則明分水人嘉定進士官南康教授白鹿書院



山長遷國子監丞轉奉議郎平居喜怒不形遇事剛果不爲禍福怖蒞官內外如一所著南疇集十五卷

俞瑞字公美新昌人文章高古真德秀奇其文曰此他日臺諫選也與弟浙齊名端平二年進士通判慶元性不芥蒂仇怨不催抑困乏克謹厥身不失尺寸

俞浙字季淵開慶乙未進士甲科德祐乙亥除太常丞辭不赴除監察御史辭不允促命入臺首奏三疏痛陳時病皆留中不行改除大理少卿不就于是浩然而歸浙篤行寡言莊重介潔年八十卒所著有五經孝經離騷審問共數十卷

俞克堪字用可永豐人景定進士授龍巖宰有政績擢刑部架閣承直郎平生恬靜自守無躁進心嘗作詩以見志俞勳字怡叔婺源人登淳祐甲辰進士第歷官知來安縣

氏姓譜

卷二十

七虞

俞氏

二

通判滁州攝州事州歲課粟園數千緡例輸于倖勳不受歸之官庫月俸外以他名入者一無所取後參議淮東帥府卒初真德秀每患時文浮靡省試得其文賞其謹厚置之高等以勵學者

俞士于字吉仲婺源人嘉熙間游太學有聲寶祐間登科調德安郡博士鄉人士以士于學行昭著乞改差鄉郡州上其事有旨合兼紫陽書院山長

俞澂字子清澄官以清介自持所至有治聲爲刑部侍郎寶謨閣待制放意林泉剗圃于南門之外二里許與浮玉山對號曰無塵扁舟往來飲酒賦詩爲樂

俞興理宗時守嘉州元兵圍城五旬興夜開闔力戰而圍解詔俞興一十六人各官五轉尋以興爲四川制置副使知嘉定府事兼成都安撫副使理宗曰俞興嘉定城下之

捷尤爲奇偉賜與金帶

俞君選婺源人景定壬戌進士授武寧縣主簿後爲揚州司理參軍揚真泰飢建議賑給所活數十萬人遷淮東制幕已而辭歸累辟不就名其居爲艮軒曰時止時行艮之義也在我當止吾何爲不樂哉

俞靖一名猷伸字宋祐婺源人積學砥行晚號西郊老人與朱韋齋爲星溪十友

元

俞奕曾字唯父性高簡喜讀書見異帙函收之卷積累數百乙亥江浙亂鎮邑爲墟奕曾避難歸無以爲庇築草室一間坐臥其中枵腹不食貴富人欲見之罕接其面至元中縣學諸生爭迎爲師輒辭謝奕曾居貧力學不求于世其節益著號時齋

氏姓譜

卷二十

七虞

俞氏

三五

俞遠字之近奕曾之子自號空谷山人身癯神骨秀竦目光焜熒好著小冠戴文山櫻笠衣白綺裘儼然神仙中人行出一市人盡驚好讀書隱居教授篤行古道里中多化之客有質疑義者應之若響客不能難至正壬辰鄉寇竊發所過殘毀遠乃築土爲室嘯歌其中長吟短詠語出必驚人如龍門桐歌小石灣行澄江八景等篇傳誦人口其文行于世有豆亭集學詩管見

俞誦魯字唯道婺源人卓悟秀挺三歲能識奇字知讀書日誦數百千言大德間江瀚行省薦其行能應茂材異等江東使者涿郡盧摯薦之辟署史館編修以親老求外爲隆興路學教授丁外艱家居十年至治中爲廣德路教授秩滿授松江府知事多有政績民爲之歌曰俞公未來案牘紛披吏饑而欺俞公既來官僚怡怡吏飽而嬉惟其黑

禎使我心慟府中事無大小須其一言而決卒于官有易春秋註說未脫稿藏于家

俞瑛字玉吾叟吳郡人宋寶祐間以詞賦稱宋亡隱居著書自號林屋山人精于易世之言圖書者類以馬毛之旋龜文之拆獨瑛持論謂尚書顧命天球河圖在東序河圖與天球並列則河圖亦玉也玉之有文者爾崑崙產玉河源出崑崙故河亦有玉洛水至今有白石洛書蓋石而白有文者其立說頗異嘗著經傳考證讀易須知六十四卦圖古占法卦爻象占分類易圖合璧連珠等書潛心三十餘年惜其書無存惟周易上下經說二卷象辭說一卷彖傳說爻傳說各二卷文言傳說一卷繫辭傳說二卷說卦說序卦說雜卦說各一卷合一十三卷各冠以序統名周易集說而以易圖纂要易外別傳附焉武宗至大二年門人王都中爲之刊行所居傍石澗學者稱爲石澗先生又有陰符經解傳世

氏姓譜

卷二十

七虞

俞氏

六

俞述祖字紹芳慶元象山人由翰林書寫授國史院編修出爲沔陽府推官至正十二年斬黃賊丁普郎陷武昌進攻沔述祖領民兵守綠水洪并力捍禦相持十餘日力不支爲賊所執械至僞主徐壽輝所誘之降子方五歲亦被縛曰不降將殺是述祖厲聲曰我躬不閱遑恤我後何不速殺是賊殺其子述祖謾罵不已遂支解之追贈象山縣男錄其從子爲後

俞漢字仲雲山陰人撰春秋傳三十卷進呈詔付禮部刊版辟爲儒學官不就門人私諡曰文惠

俞元燮字邦亮其先自建寧徙長洲通蔡氏傳博探羣說著尚書集傳十卷或問二卷其歿也虞集爲之銘

俞皋字心遠新安人幼師宋進士趙良鈞得春秋大旨自  
晉杜氏注左傳始有凡例之說取經之事同辭同計其數  
凡若干而不考其義唐陸氏學于啖趙作纂例一書雖分  
晰詳備亦未嘗以義言之逮程子爲傳始分別義例舉一  
道程說以義同事同辭同者定爲例十六條其有義不同  
而辭同事同而辭不同者則分見各事之下名春秋斷義  
泰定三年書成

俞鎮崇德人博覽經史鄉舉第一累官建德縣尹所著有  
修詞稿

俞大猷字志輔晉江人少好讀書受易于王宣林福得蔡  
清之傳又聞趙本學以易推衍兵家奇正虛實之權復從  
受其業嘗謂兵法之數起五循一人之身有五體雖將百

氏姓譜

卷二十

七虞

俞氏

七

萬可使合爲一人也已又從李良欽學劍家貧屢空意嘗  
豁如父歿棄諸生嗣世職百戶舉嘉靖十四年武會試除  
千戶守禦金門軍民囂訟難治大猷導以禮讓訟爲衰止  
海寇頻發上書監司論其事監司怒曰小校安得上書杖  
之奪其職尙書毛伯溫征安南復上書陳方畧請從軍伯  
溫奇之會兵罷不果用二十一年俺答大入山西詔天下  
舉武勇士大猷詣巡按御史自薦御史上其名兵部會伯  
溫爲尙書送之宣大總督翟鵬所名見論兵事大猷屢折  
鵬鵬謝曰吾不當以武人待子下堂禮之驚一軍然不能  
用大猷歸伯溫用爲汀漳守備浚武平作請易軒輿諸生  
爲文會而日教武士擊劍連破海賊康老俘斬三百餘人  
擢署都指揮僉事僉書廣東都司新興恩平峒賊譚元清  
等屢叛總督歐陽必進以屬大猷乃合良民自爲守而親

率數人徧詣賊囑曉以禍福且教之擊劍賊駭服有蘇青  
蛇者力格猛虎大猷給斬之賊益驚乃詣何老猫峒令歸  
民侵田而招降渠魁數輩二邑以寧二十八年朱統巡視  
福建薦爲備倭都指揮會安南入寇必進奏留之先是安  
南都統使莫福海卒子宏瀾幼其大臣阮敬謀立其婿莫  
敬典范子儀謀立其黨莫正中互仇殺正中敗挈百餘人  
來歸子儀收殘卒遁海東至是妄言宏瀾死迎正中歸立  
剽掠欽廉等州嶺海騷動必進檄大猷討之馳至廉州賊  
攻城方急大猷以舟師未集遣數騎諭降且聲言大兵至  
賊不測果解去無何舟師至設伏寇頭嶺賊犯欽州大猷  
遮奪其舟追戰數日生擒子儀弟子流斬首千二百級窮  
追至海東雲屯檄宏瀾殺子儀函首來獻事平嚴嵩抑其  
功不叙但賈銀五十兩而已是年瓊州五指山黎那燕構

氏姓譜

卷二十

七虞 俞氏

二八

威恩昌化諸黎共反必進復檄大猷討而朝議設參將于  
崖州卽以大猷任之乃會廣西副將沈希儀諸軍擒斬賊  
五千三百有奇招降者三千七百大猷言于必進曰黎亦  
人也率數年一反一征豈上天生人意宜建城設市用漢  
法雜治之必進納其言大猷乃單騎入峒與黎定要約海  
南遂安三十一年倭賊大擾浙東詔移大猷寧台諸郡參  
將會賊破寧波昌國衛大猷擊却之復攻陷紹興臨山衛  
轉掠至松陽知縣羅拱辰力禦賊而大猷邀諸海斬獲多  
竟坐失事停俸未幾逐賊海中焚其船五十餘子俸如故  
越二年賊據寧波普陀大猷率將士攻之半登賊突出殺  
武舉火斌等三百人坐戴罪辦賊俄敗賊吳滋所詔除前  
罪仍賚銀幣賊自健跳所入掠大猷連戰破之旋代湯克  
寬爲蘇松副總兵所將卒不三百人徵諸道兵未集賊犯

金山大猷戰失利時倭屯松江柘林者盈二萬總督張經趨之戰大猷固不可及永順保靖兵稍至乃從經大破賊于王江涇功爲趙文華胡宗憲所撰不叙坐金山失律謫充爲事官柘林倭雖敗而新倭三十餘艘突青村所與南沙小烏口浪港諸賊合犯蘇州陸涇壩直抵婁門敗南京都督周于德兵賊復分爲二北掠澆墅南掠橫塘延蔓常熟江陰無錫之境出入太湖大猷偕副使任環大敗賊陸涇壩焚舟三十餘又遮擊其自三丈浦出海者沉七艘賊乃退泊三板沙頃之他倭犯吳江大猷及環又邀破之鶯脰湖賊走嘉興三板沙賊掠民舟將遁大猷追擊于馬蹟山禽其魁金涇許浦白茅港賊俱出海大猷追擊于茶山焚五舟賊走保馬蹟山三板沙將士復追及壞其三舟江陰蔡港倭亦去官兵分擊于馬蹟馬圖寶山值颶風作賊

氏姓譜

卷二十

七虞

俞氏

元

舟多覆柘林倭亦爲官兵所擊沉二十餘舟餘賊退登陸已復泛舟出海大猷及食事董邦政分擊獲九舟而賊又遭風壞三舟餘三百人登岸走據華亭陶宅鎮屢敗趙文華等大軍夜屯周浦永定寺官兵四集進圍之而柘林失風賊九舟巢于川沙窪糾合至四十餘艘勢猶未已巡撫曹邦輔劾大猷縱賊帝怒奪其世廕責取死罪拈立功自贖時周浦賊圍急乘夜東北奔爲游擊曹克新所邀斬首百三十遂與川沙窪賊合諸軍日夜擊賊焚巢出海大猷偕副使王崇古入洋追之及老鷓鴣焚巨艦八斬獲無算餘賊奔上海浦東初以倭患急特命都督劉遠爲浙江總兵官兼轄蘇松諸郡數月無所爲廷臣爭言大猷才三十五年三月遂罷遠以大猷代賊犯西庵沈莊及清水窪大猷偕邦政擊敗之賊走陶山詔還世廕賊自黃浦遁出海

大猷追敗之其年冬以與平徐海功加都督僉事海既平浙西倭悉靖獨寧波舟山倭負險官兵環守不能克是時土兵狼兵悉已遣歸而川貴所調麻寮大刺鎮溪桑植兵六千始至大猷乘大雪四面攻之賊死戰殺土官一人諸軍益競進焚其柵賊多死其逸出者復殪賊盡平加大猷署都督同知明年胡宗憲方圖汪直用盧鏜言將與通市大猷力爭不可及直誘入下吏其黨毛海峯等遂據舟山阻岑港自守大猷環攻之時小勝然苦仰攻將士先登多死新倭又大至朝廷趣宗憲甚急宗憲謾爲大言以對廷臣競詆宗憲并劾大猷乃奪大猷及參將戚繼光職期一月內平賊大猷等懼攻益力賊益死守三十七年七月乃自岑港移柯梅造舟成泛海去大猷等橫擊之沉其一舟餘賊遂揚帆而南流劫閩廣大猷先後殺倭四五千賊幾

氏姓譜

卷二十

七虞

俞氏

三

平而官軍圍賊已一年宗憲亦利其去陰縱之不督諸將邀擊比爲御史李瑚所劾則委罪大猷縱賊以自解帝怒逮繫詔獄再奪世廕陸炳與大猷善密以已資投嚴世蕃解其獄令立功塞上大同巡撫李文進習其才與籌軍事乃造獨輪車拒敵馬嘗以車百輛步騎三千大挫敵安銀堡文進上其制于朝遂置兵車營京營有兵車自此始也文進將襲板升謀之大猷果大獲詔還世廕寇掠廣武大猷拒却之先論平汪直功許除罪錄用及是鎮筸有警川湖總督黃光昇薦大猷卽用爲鎮筸參將廣東饒平賊張璉數攻陷城邑積年不能平四十年七月詔移大猷南贛合閩廣兵討之時宗憲兼制江西知璉遠出檄大猷急擊大猷謂宜以潛師搗其巢攻其必救奈何以數萬衆從一夫浪走哉乃疾引萬五千人登柏嵩嶺俯瞰賊巢璉果還

救大猷連破之斬首千二百餘級賊懼不用間誘瑾出戰從陣後執之并執賊魁蕭雪峯廣人攘其功大猷不與較散餘黨二萬不戮一人擢副總兵協守南贛汀漳惠潮諸郡遂乘勝征程鄉盜走梁寧禽徐東洲林朝曦者獨約黃積山大舉官軍攻斬積山朝曦遁後亦爲徐甫宰所滅大猷尋約福建總兵官與戚繼光復興化城共破海倭繼光先登受上賞大猷但賚銀幣四十二年十月徙鎮南贛明年改廣東潮州倭二萬與大盜吳平相犄角而諸峒藍松三五端溫七葉丹樓輦日掠惠潮間閩則程紹祿亂延平梁道輝擾汀州大猷以威名懾羣盜單騎入紹祿營督使歸峒因令驅道輝歸兩人卒爲他將所滅惠州參將謝敷與伍端溫七戰失利以俞家軍至恐之端乃驅諸酋以歸無何大猷果至七被禽端自縛乞殺倭自効大猷使先

氏姓譜

卷二十

七虞

俞氏

三

驅官軍繼之圍倭鄒塘一夜克三巢焚斬四百有奇又大破之海豐倭悉奔崎沙甲子諸澳奪漁舟入海舟多沒于風脫者二千餘人還保海豐金錫都大猷圍之兩月賊食盡欲走副將湯克寬設伏邀之手斬其烏將三人參將王詒等繼至賊遂大潰乃移師潮州以次降藍松三葉丹樓遂使招降吳平居之梅嶺平未幾復叛造戰艦數百聚衆萬餘築三城守之行劫濱海諸郡縣福建總兵官戚繼光襲平平遁保南澳四十四年秋入犯福建把總朱璣等戰没于海中大猷將水兵繼光將陸兵夾擊平南澳大破之平僅以身免奔據饒平鳳凰山繼光留南澳大猷部將湯克寬李趨等躡賊後連戰不利平遂掠民舟出海閩廣巡按御史交章論之大猷坐奪職平卒爲克寬所追擊遠遁以免不敢入犯矣河源翁源賊李亞元等倡獺總督吳



桂芳留大猷討之徵兵十萬分五哨進大猷使間搗賊黨而親搗其巢生擒亞元俘斬一萬四百奪還男婦八萬餘人乃還大猷職以爲廣西總兵官故事以勲臣總兩廣兵與總督同鎮梧州帝用給事中歐陽一敬議兩廣各置大帥罷勲臣乃名恭順侯吳繼爵還京以大猷代予平蠻將軍印而以劉顯鎮廣東兩廣並置帥自大猷及顯始也伍端死其黨王世橋復叛劫執同知郭文通大猷連敗之其部下執以獻進署都督同知海賊曾一本者吳平黨也既降復叛執澄海知縣敗官軍守備李茂才中礮死詔大猷曹督廣東兵協討隆慶二年一本犯廣州尋犯福建大猷合郭成李錫軍禽滅之錄功進右都督廣西古田獍黃朝猛章銀豹等嘉靖末嘗再劫會城庫殺參將黎民表巡撫殷正茂徵兵十四萬屬大猷討之分七道進連破數十巢

氏姓譜

卷二十

七虞

俞氏

三

賊保湖水巢極巔攻十餘日未下大猷佯分兵擊馬浪賊而密令參將王世科乘雨夜登山設伏黎明礮發賊大驚諸軍攀援上賊盡死馬浪諸巢相繼下斬獲八千四百有奇禽朝猛銀豹百年積寇盡除進世廕爲指揮僉事大猷爲將廉馭下有恩數建大功威震南服巡按李良臣劾其奸貪兵部力持之詔還籍候調起南京右府僉書未任以都督僉事爲福建總兵官萬歷元年秋海寇突間峽澳坐失利奪職復以署都督僉事起後府僉書領軍營訓練三疏乞歸卒贈左都督諡武襄大猷負奇節以古賢豪自期其用兵先計後戰不貪近功忠誠許國老而彌篤所在有大勲武平崖州饒平皆爲祠祀

俞士吉

字用貞象山人建文中爲兗州訓導上書言時政擢御史出按鳳陽徽州及湖廣能辨釋冤獄成祖卽位進

僉都御史奉詔以水利書賜夏原吉因留督浙西農政湖州連糧至六十萬石同事者欲滅其數以聞士吉曰欺君病民吾不爲也具以實奏悉得免尋爲都御史陳瑛所劾與大理少卿袁復同繫獄復死獄中士吉謫爲事官治水蘇松旣而復職還上聖孝瑞應頌帝曰爾爲大臣不言民間利病乃獻諛邪擲還之宣德初仕至南京刑部侍郎致仕

俞允文字仲蔚崑山人其父舉進士官大理評事允文年十五爲馬鞍山賊援据該博年未四十謝去諸生專力于詩文書法與王世貞善而不喜李攀龍詩其持論不苟同如此

俞通海字碧泉其先隸人也父廷玉徙巢子三人通海通源淵元末盜起汝穎廷玉父子與趙普勝廖永安等結寨

氏姓譜

卷二十

七虞

俞氏

三

巢湖有水軍千艘數爲廬州左君弼所窘遣通海間道歸太祖太祖方駐師和陽謀渡江無舟楫通海至大喜曰天贊我也親往拔其軍而趙普勝叛去元兵以樓船扼馬場河等口瀕湖惟一港可通亦久涸會天大雨水深丈餘乃引舟出江至和陽通海爲人沉殺治軍嚴而有恩士樂爲用巢湖諸將皆長于水戰而通海爲最從破海牙諸水寨授萬戶從渡江克采石取太平徇下諸屬縣海牙復以戰艦截采石而陳兆先合淮兵二十萬屯方山相犄角通海與廖永安等擊之大敗其衆海牙遁進破兆先取集慶路從湯和拔鎮江遷秦淮翼元帥偕諸將取丹陽金壇常州遷行樞密院判官從克寧圍下水陽因以舟師畧太湖降張士誠守將于馬蹟山艤舟胥口呂珍兵暴至諸將欲退通海曰不可彼衆我寡退則情見不如擊之乃身先疾鬪

矢下如雨中右目不能戰命帳下士被已甲督戰敵以爲  
通海也不敢逼徐解去由是一目遂眇已偕永安等克石  
厝戍奪馬馱沙而還普勝既叛歸陳友諒陷池州遣別將  
守而自據縱陽水寨太祖方征浙東以縱陽爲憂通海往  
攻大破之普勝陸走盡獲其舟遂復池州遷僉樞密院事  
友諒犯龍灣偕諸將擊走之追焚其舟于慈湖禽七帥逐  
北至采石功最進樞密院同知從攻友諒下銅陵克九江  
掠蘄黃從徐達擊叛將祝宗康泰復南昌從援安豐敗土  
誠兵還攻廬州友諒大舉圍南昌從太祖擊之遇于康郎  
山舟小不能仰攻力戰幾不支通海乘風縱火焚其舟二  
千餘敵少挫太祖舟膠友諒驍將張定邊直前犯太祖舟  
常遇春射中定邊通海飛舸來援舟驟進水湧太祖舟得  
脫而通海舟復爲敵巨艦所壓兵皆以頭抵艦兜蓋盡裂

氏姓譜

卷二十

七虞

俞氏

三

僅免明日復戰偕廖永忠等以七舟置火藥焚敵舟數百  
踰二日復以六舟深入敵連大艦力拒太祖登舵樓望久  
之無所見意已沒有頃六舟繞敵艦出飄飄若游龍軍士  
謹謀勇氣百倍戰益力友諒兵大敗師次左蠡通海進曰  
湖有淺舟難回旋莫若入江拒敵上流彼舟入卽成禽矣  
遂移師出湖水陸結柵友諒不敢出居湖中一月食盡引  
兵突走竟敗死是役也通海功最多師還賜良田金帛明  
年從平武昌拜中書省平章政事總兵畧劉家港進逼通  
州敗土誠兵禽其將朱瓊陳勝進攝江淮行中書省事鎮  
廬州從徐達平安豐又從克湖州畧太倉秋毫不犯民大  
悅圍平江戰滅渡橋搗桃花塢中流矢劖甚歸金陵太祖  
季其第問曰平章知予來問疾乎通海不能語太祖揮涕  
而出翼日卒年三十八太祖臨哭甚哀從官衛士皆感涕

追封豫國公侑享太廟有像功臣廟洪武三年改封號國公諡忠烈通海父廷玉官僉樞密院事先卒追封河間郡公通海無子弟通源嗣其官

俞通源字百川從大將軍征中原偕副將軍馮勝等會兵太原定河中渡河克鹿臺取鳳翔鞏昌涇州守開城會張良臣據慶陽再叛大將軍命諸將分兵威之通源自臨洮疾趨至涇畧其西顧時畧其北傅友德畧其東陳德畧其南大將軍逼城下良臣援絕糧盡敗死遂克慶陽征定西克興元皆先登洪武三年封南安侯歲祿千五百石予世券四年從廖永忠伐蜀又從徐達出塞撫甘肅有功徙江南豪民十四萬田鳳陽又攻雲南征廣南蠻俘斬數萬二十二年詔還鄉賜鈔五萬置第于巢未行卒子祖病不能嗣踰年追論胡黨以通源死不問爵除淵以父兄故充參

氏姓譜

卷二十一

七虞

俞氏

三

侍舍人從征積功授都督僉事通源既坐黨太祖念廷玉通海功二十五年封淵越雋侯歲祿二千五百石予世券師師討建昌叛賊越雋明年坐累失侯遣還里建文元年召復其爵隨大軍征燕遂戰歿于白溝河次子靖嗣其官

俞諫字良佐桐廬人父蓋舉進士官御史按江西治外戚王氏萬氏宗族恣橫罪坐事謫澧州判官大築坡堰溉田可萬頃累遷鄖陽知府諫舉宏治三年進士授長清知縣擢南京御史遷河南僉事禽嵩賊呂梅歷江西參議平大帽山賊遷廣東副使中道召為大理少卿正德六年擢右僉都御史治水蘇杭諸府修治圩塘民享其利尋進右副都御史提督操江八年春姚源降賊王浩入叛詔以諫代陳金督江西浙江福建諸軍討之時浩八衆萬餘屯浙江

開化爲同知伍文定等所敗遁還江西德興以所執都指揮白宏江洪爲質求撫于按察使王秩秩受之爲傳送姚源浩入奔據貴溪裴源山餘衆復集連營十里諫令秩與副使胡世寧參政吳廷舉列屯要害斷其歸路而躬與都督李鉉乘夜冒雨潛進大破之俘斬數千人遂禽浩入其黨潰走玉山諫與南贛巡撫周南江西巡撫任漢復擊斬七百餘人餘賊奔姚源諫督廷舉等進勦逼禽之諫懲金失一意用兵而任漢懦先爲布政使嘗贊金主撫雖亟上首功追賊緩餘黨復起先是東鄉賊爲金所敗乞降諫世寧號新兵而剽掠如故旣懼罪復叛遣參將桂勇等討禽之萬年雖立縣賊尙衆吏胥多賊黨官府動息必知之副使李情治峻急衆欲叛畏鉉在餘干不敢發會鉉卒王垂七胡念二等遂作亂殺情及饒州通判陳達秦碧指揮邢

氏姓譜

卷二十

七虞

俞氏

三

世臣等焚厓舍諫發兵禽之亂乃定言官劾諫及漢南兵部請召漢還命諫兼領巡撫明年擊臨川賊斬其魁而遣參將李隆擊新淦賊賊踞萬山中僭稱王且八年隆等深入悉就禽俘斬千七百餘人錄功進諫右都御史巡撫如故劇賊徐九齡者初嘯聚建昌醴源已出沒江湖間積三十年黃州德安九江安慶池州太平咸被其害諫討斬之羣盜悉平寧王宸濠諷御史張鰲山劾諫十一年召還遂乞致仕嘉靖改元用薦起故官總督漕運青州礦盜王堂等起顏神鎮流劫東昌兗州濟南都指揮楊紀及指揮楊浩等擊之浩死紀僅免詔賁山東將吏于是諸臣分道逐賊賊不復屯聚流劫金鄉魚臺間突曹州欲渡河不得復掠考城並河西岸至東明長垣河南及保定守臣咸告急賊黨王友賢等轉掠祥符封邱南抵徐州廷議以諸道巡

撫權位相埒乃命諫與都督魯綱竝提督兩畿山東河南軍務以便宜節制諸道兵討之賊復流至考城官軍方欲擊而河南降賊張進引三百騎馳至中都留守顏愷與俱前方戰進忽三麾其旗先却賊乘之官軍大潰將士死者八百餘人諫等連營進賊始滅其秋召掌都察院事踰年卒官贈太子太保諡莊襄

俞鑑字元吉桐廬人以進士授兵部職方司主事英宗北征郎中胡寧當從以病求代鑑慷慨許諾或曰家遠子幼奈何鑑曰爲國臣子敢計身家尙書鄺埜知其賢數與計事鑑曰惟力勸班師耳時不能用及帝遇變鑑遂以死景帝立降敕褒美錄其子爲國子生

俞拱官中書舍人正統十年英宗北征拱扈從師出居庸關至宣府大同及六師覆于土木拱與將相大臣同死于

氏姓譜

卷二十

七虞

俞氏

三

難景帝立降敕褒美錄其子爲國子生

俞孜字景修浙江山陰人爲諸生敦行誼嘉靖初父華充里役解流人徐鐸至口外鐸毒殺華亡走孜扶櫬歸誓必報仇蹤跡數十郡不可得後聞已還鄉匿其甥楊氏家乃結力士十數人佯爲賣魚往來偵伺且謁知府南大吉乞助大吉義之遣數健卒與俱夜半驟率卒入楊氏家呼鐸見縛送于官寘諸法孜自是不復應舉養繼母以終

俞綱嘉興人由諸生繕寫實錄試中書舍人授虜王府審理景帝時以兵部右侍郎入閣預機務居三日固辭守本官懷獻太子立加太子少保綱當景泰時能周旋二帝間故得調南京禮部成化初致仕卒綱爲人和厚輯密無疾言遽色謹身率職稱長厚君子子文煥以廕爲福寧知州俞山字積之秀水人舉鄉試歷虜王府伴讀擢鴻臚少卿

吏部左侍郎山佐銓衡薦擢不求人知有請謁輒正色拒  
之臺諫以言事取疾權幸曲爲調護景泰初議迎復同列  
或有難者山奮曰鑿輿復然後人心悅而天下安況天倫  
所系至重極力贊之朝廷知山清慎賞賚有加作歲寒圖  
題詩賜之以寓褒美有以易儲請山者密諫不聽退而憂  
曰禍機自此始矣乃引疾求歸進太子少傅囊橐蕭然家  
居日用至假貸以給爲文據經史詩歌清麗典則善大篆  
工墨梅而嘗晦其迹所至有梅莊集若干卷子誥歷工科  
給事中終建康知府

俞士悅字仕朝吳縣人永樂進士歷官都御史刑部尙書  
太子太保儀表魁岸面色如鐵聲如洪鍾平生侃侃見者  
畏服

俞詮安吉人以耆儒徵命爲大學士洪武中與鮑恂等四

氏姓譜

卷二十

七虞

俞氏

三

人入見上賜坐顧問者久之竝命爲文華殿大學士皆辭  
上曰卿等高年特免早朝勉留爲朕輔導皇太子即不欲  
留亦不終強也詮等復固辭賜赦放還

俞茂初名榮字子懋休寧人早歲讀書授徒通兵法元末  
天下亂父士英結鄉兵與賊戰于馬嶺死之茂從樞密院  
判婺源汪同保障輯寧鄉邑後附明從取婺源檣嚴陵授  
樞密院判官及靖三衢定德興克樂平而江西諸郡以次  
收服還守南昌太祖以允新重地而茂常戰守命撫衆戍  
之授武德將軍守禦允新修城池興廟學刻陳定宇增廣  
通畧李一初文集行世有古良將風

俞友仁字文輔仁和人洪武開科浙江鄉試第一四年會  
試第一第三甲進士五年授山東長山縣丞歷山西僉事

工詩書俊逸有文名

俞永洪武中知魯山縣首草吏弊修舉學校親爲諸生講說經史正句讀校文理士風翕然以盛民有訟者片言折之吏民畏服

俞彥誠婺源人刻志詩書博通經史尤精春秋教授鄉里洪武初績溪休寧交聘爲邑校官力以疾辭不起卒于家俞和字子中杭人號紫芝生暮年稱紫芝老人隱居不仕能詩喜書翰早年得見趙松雪逼真好事者得其書每用松雪款識倉卒莫能辨

俞貞木字有立琰孫吳縣人好學問善著書洪武初薦爲樂昌令又爲都昌以親故累罷歸爲人清苦敦行古道太守姚善方向學尊崇有道以風民俗極重之數延致于庠行乞年禮然糠覈不繼空匱愈甚不以干意靖難時勸守舉兵因逮赴論死

氏姓譜

卷二十

七虞

俞氏

完

俞益字友謙臨安人八歲喪母日夜哀慕永樂中進士爲翰林庶吉士預修永樂大典授靖安知縣有惠政改潛山大興學校屢典文衡號得士秩滿當去邑民千數告乞留再知卒官民甚哀之學士李時勉爲銘尚書王直表其墓俞敏德字鳴謙定海人父彥華赴京聽選死母在家亦故時敏德甫九歲力不能支日拊柩以歸及長不樂仕進于三山建允思堂環植以竹哀慕久而不替有司屢以材薦以祿不逮親固辭不就號曰竹所先生享年一百五歲俞雍字文熙無錫人正統初知公安縣勤于撫字每單騎行郊野中勸耕績課其勤惰石首楊文定公嘗延譽于朝請有古循良風

俞處恭儀真人素號博達于人少許可善爲詩時有佳句有送太守入覲詩聞君治裝快老懷沙際倚仗迎千回簷



前秋曉鵲聲噪江上雨晴帆影來更逢佳節黃菊綻喜見故人青眼開明朝酒醒雲路近獻策早上黃金臺

俞振紀字蕭夫少孤貧事母盡歡雖冗迫不廢定省之禮一日從道廁拾布袂歸啟視之乃糧券數紙及白金名審失主挈而還之以嘉靖五年歲貢分教旌德能以師道自任得士子心及以內艱歸感泣追送者不遠百里居喪三年哀慕憂憾不出戶庭遷道州學正卒

俞昂字顯之永豐人由鄉舉歷任同知素行剛方居官清謹少師費文憲稱其特立不羣強直自遂處儕類則無愧端人爲有司則可稱廉吏所著有醉吟野老集

俞泰南城人正統中由監生爲御史激濁揚清有聲于時孜孜以正綱紀去貪墨理冤抑是務風紀肅然豪猾不敢肆至于處已待人斷獄應事皆敬慎詳密官至廣西僉事

氏姓譜

卷二十

七真

俞氏

四

俞廷瓚鄱陽人以進士授行人司副正德已卯武宗南巡廷瓚條上十事皆人所不敢言者而極切劄至奮不顧身遂死于諫嘉靖改元遣官論祭

俞欽天順中同知松江府廉慎慈惠不爲煩苛嘗受委董學校理戎伍士勸民懷歌頌盈耳召去行李蕭然

俞文景泰間任常州府照磨性儉素布衣蔬食嘗督漕徐淮邵餽金百鎰廉聲籍甚以老乞歸吏民攀送

俞漢字宗之藤縣人幼穎異博學羣籍以儒士冠省試登正德進士授行人擢御史清戎中州有獲盜功擢浙江僉憲以卓異聞轉江西副憲與李空同友善尋督學廣東未任卒

俞迪字允吉平湖人以歲貢任廣東都司斷事朴茂好古清操凜然諸方岳皆敬憚之九載乞休囊無一金賢不肖

皆頌其清德云

俞起龍浙江平湖人崇正間教諭有悍弁侮辱士流龍起憤甚力爭之上官得論如律顏風爲之一振尋擢去諸生爲鐫石以紀德焉

俞繼字子直鄱陽人宏治間由舉人任奉化教諭慨士子媮情學規不飭以國子法課試諸生夜周視號舍察其勤惰勸罰振飭士皆知奮後登進士第授監察御史轉僉事俞再奎年十四遭兵亂再奎藏複壁中以避及聞父可宗被執急趨出願代父死兵遂殺再奎而留父焉

俞似之廣州黔轄憇金山寺作兩韵其一云傳食膠膠擾擾擾間林泉高步不容攀興來尚有平生屐管領東南到處山其妻趙氏書于壁字畫遒勁洒落不凡

歷代列女

氏姓譜

卷二十

七虞

俞氏

四

俞氏山陰黃元珪妻值南軍過索財物不與火其廬將擁氏去氏躍入火中死

俞氏吳縣人年二十嫁周春春病草顧其子謂妻曰善育之妻曰諾春將死牽戀不斷俞意其恐已再醮也乃以剪刀刺目血淚俱下春卽逝有司奏聞給布米旌其門

俞氏名嫻奴永嘉人父沒家貧隨母入繼父家居無何母亦喪繼父之前子欲犯之不從一日繼父外出其子持入室追脅俞堅不屈遂毆殺之繼父歸卽捕其子幽閉空室餓死爲壘嫻奴

俞氏太倉人顧越妻年二十喪夫撫遺腹子守元成進士後封太宜人封之日泣曰噫始願不及此卽卒  
俞氏上海人任士中妻也年二十一寡居有女始二歲男始五月誓不二夫撫教男女女既笄適俞邦用邦用亦早

卒親戚勸再適女曰再嫁則俞氏祭祀誰奉且辱吾母乃歸與母同居守志明洪武中旌爲雙節之門

俞氏上海人張文通妻也永樂初文通嬰瘵疾藥不能療囑俞曰吾將死汝年少無子宜何從俞泣曰父命以妾事

夫夫今死矣又無子將何從也願從夫于地下文通沒是夕俞亦自經

俞節嬪錫山人姓楊氏俞九思妻也讀書通文義適俞二十八而寡自教其子俞憲成名朝廷旌之

俞氏年十九適鄭轅越四載轅亡號泣幾絕姑老家貧擇姪繼嗣辟纊供衣食零丁苦守萬歷間按院給匾

俞氏江浦人吳達妻年二十二夫亡守節有求配者叱罵之輒以刀自盡家人覺而止之正德間旌表

俞氏婦汝舟妻有貧女咏賈答詞楊柳詞等詩其貧女吟

氏姓譜

卷二十

七虞

俞氏

四

云夜久織未休憂憂鳴寒樓樓中一匹練終作阿誰衣

俞氏奉化人嚴問經妻問經逝遺一女一子在懷抱俞矢志撫孤偕姆嚴問策妻王氏同心先是策先逝王氏無

子守志亦以媳子爲子又痛念祖兆未康緝績營塋時孤液方五齡二氏扶櫬踏雪庇事紉不戒于火燎已及椽叩

天呼籲反風滅焰僉謂節誠所格王年二十一而寡六十

四卒俞年二十六而寡七十五卒俞氏奉化大堰王舜憲妻夫亡無子守志終身姑病三年

寒暑不懈人皆以節孝稱俞氏奉化人沈一中妻夫亡守節不逾事舅姑盡孝縣令表其門曰節孝流芳

屠氏

按通志屠崩晉之膳宰也屠氏之職以割牲爲事其子

孫以技爲氏焉望出陳留

歷代名賢

屠隆字長卿鄞人生有異才嘗學詩于同邑沈明臣落筆數千言立就族人大山里人張時徹方爲貴官共相延譽名大噪舉萬歷五年進士除穎上知縣調繁青浦時招名士飲酒賦詩游九峯三泖以仙令自許然于吏事不廢士民皆愛戴之遷禮部主事西寧侯宋世恩兄事隆宴游甚歡刑部主事俞顯卿者險人也嘗爲隆所詆心恨之許隆與世恩濡縱詞連禮部尙書陳經邦隆等上疏自理并列顯卿挾仇誣陷狀所司乃兩黜之而停世恩俸半歲隆歸道青浦父老爲歛田千畝請徙居隆不許歡飲三日謝去歸益縱情詩酒好賓客賣文爲活詩文率不經意一揮數

氏姓譜

卷二十

七虞

屠氏

四

紙嘗戲命兩人對案拈二題各賦百韻咄嗟之間二章竝就又與人對奕口誦詩文命人書之書不逮誦也子婦沈氏修撰懋學女與隆女瑤瑟竝能詩隆有所作兩人輒和之兩家兄弟合刻其詩曰留香草

屠琛字廷贇鄞人穎敏博洽爲文不務雕繪爲奇而藻行飾躬恂恂若處子然性剛執言論侃侃不阿從子襄惠公瀟嘗執經問難雖燕見對之無惰容上春官拜邠州訓導崇經術敦士行課工程能率皆安定矩度滿九載陞漳平教諭死于官子湖字朝隱誦法典訓綽有父風事寡嫂甚恭撫其孤如已子親族歸厚焉教子僑倬成進士僑旣顯琛湖皆屢贈至南京刑部尙書

屠瀟字朝宗成化丙戌進士任御史巡按四川湖廣皆有著政陞本院僉都御史進右都李孜省嫖孽改南京尋

轉左都掌院事改吏部尚書進退黜陟無所私而以愛惜  
人才爲重痛抑僥倖清寧宮成詔許番僧入宮慶讚再疏  
諫止言甚剴切周文端謝政卽疏其剛方有爲不宜輕去  
拂上意不避丁外艱家居武廟登極仍以太子太傅吏書  
兼左都掌院事逆瑾顯權力行救正數忤于瑾解任而歸  
平生慷慨自許立朝論事皆得機要爲時名臣

屠任字彥仁浙江嵒縣人洪武中知武陟縣嘗作教民文  
榜示邑中勸以力田孝弟崇儉務學民勃然嚮化比滿相  
率奏留詔晉食六品俸仍掌縣事尋擢刑部主事

屠黈字元勳平湖人成化進士初任刑侍河間戚畹與民  
訟田奉詔體勘勳謂母后誕育其鄉而與細民爭尺寸土  
非國家體歸田于民歷官刑部尚書謚康僖子應垣正德  
進士應垓嘉靖進士

氏姓譜

卷二十

七虞

屠氏

四

屠應垓字文升舉嘉靖五年進士由郎中改翰林官至右  
諭德嘗簡命校文江右當軸屬以子竟不第喜奇節偉行  
有凌駕古人之思然不究其施以卒人多惜焉子仲律嘉  
靖庚戌進士任御史歷廬州知府有惠政卒于官

屠奎字文奎勳從子清介有文與弟垚皆爲御史有直聲  
奎在江右剪戡宸濠黨與復累疏其不軌終江西參議垚

終山東副使

屠楷字長植臨桂人嘉靖癸未進士從兵部主事遷吏部  
時吏部諸僚大梁高叔嗣北海李舜臣等負氣相高楷獨  
簡嘿處競以靜非職事不妄發一語諸曹亦以此重之汪  
太宰鉉希世用事自負指摘楷與選亦無所徇鉉亦不能  
撓也陞通政歷陞南京太僕太常卿南工部侍郎工吏兵  
三部尚書後以休歸居第落落僅足蔽風雨當道以所鄰

官舍益之不受也楷體貌恂恂老年益純粹官三十餘年  
獨立無朋而人未嘗有一言非之者事母王氏尤孝友愛  
諸弟子姪有過必諄諄誨之接人謙厚見之者如在春風  
中無貴賤長少咸慕焉詩文務求理明不事雕琢所著有  
西隱漫稿卒諡恭簡

屠以欽字順菴龍陽人以恩選入南雍授同官令聚已愛  
民有感恩者以金爲壽峻辭不受以恩信得民囹圄火諸  
囚俱出火熄囚自魚貫入無一人逸者

屠僊鄞人正德辛未進士以試中書進吏部文選員外郎  
中有俊才詩賦書翰尤雄一時

歷代列女

屠氏女諸暨東滄里人父失明母癩疾親戚相棄鄰里不  
容女移父母遠住紵舍晝採樵夜紡績以供養父母俱卒

氏姓譜

卷二十

七虞

屠氏

五

親營殯塋負土成墳忽空中有聲云汝至性可重山神欲  
相驅使汝可爲人療病必得大富貴女謂是魑魅弗敢從  
遂得病積時隣舍人有中溪蠅毒者女試治之自覺病便  
差遂以巫道爲人治病無不愈家產日益鄉里多欲娶之  
女以無兄弟誓守墳墓不肯嫁爲山賊劫殺

屠氏文學孫鏞貽妻也屠氏桐江著族年十八適鏞貽二  
十二鏞貽股疾弗起彌留之際以奉親課孤兩事爲囑氏  
孝養後姑撫子泰源成立有聲庠序邑人上其事旌門閭  
屠夫人姚夔之母也姚夔字人章生而失怙母撫教甫三  
歲口授孝經論語輒能成誦焉

屠氏婦看潮村人也姓章氏歸于繩武親操井臼不辭勞  
瘁諸姑佻姊有事時脫簪珥贈之無倦色萬歷己酉繩武  
父子以糧長赴倉兌漕姑高氏病驟作醫藥罔效章祝天

福以身代至割股和湯進之姑病旋愈舅歸詢知之驚嘆曰微此婦則吾室殆矣章年三十有四竟卒舅憐之自作行狀于縣令張一鶚申請旌表

屠氏婦諭德屠漸山妻也漸山一日欲治僕怒甚僕惶遽求解于夫人夫人笑謂曰買一大魚來入莫測其指漸山嗜魚見而詫其肥夫人從旁微哂曰但水寬耳僕因獲免屠氏王二林妻黃岡人流賊陷城被執罵不絕口引頸受戮屍彌月不壞

屠氏張懷橘妻黃岡人年二十五喪夫家極貧更值荒亂兩子繼歿孑然無依汲水負薪以自給年逾七十卒

屠氏吳江人梅壘妻十八而嫁夫亡無子屢欲自盡翁姑勸勉斷髮自誓每薦食極所相對如生姑病親侍湯藥衣不解帶守節五十一年崇正十二年旌表其門

氏姓譜

卷二十

七真

屠氏

吳

屠氏魏旭輝妻曠人旭輝貧爲役屠氏勤織紝供舅姑或不繼遭詬厲必愉婉承之嘗日食一餐隣婦憐而進食曰吾腹未嘗枵也夫免役歸益貧窘謀出妻屠哀泣以死自誓不聽乃密紉裹布夜沉百尺潭而死撈屍數日不獲踰月浮屍原所顏色如生

屠氏婦寧國人屠義英妻賦性貞烈幼時許嫁義英義英未第家甚貧會里豪有事女家見女有色強納聘焉女父辭已字屠氏豪以勢壓之必欲昏乃已父謂豪欲得吾女當先令屠氏無爭豪備禮謁屠因告之故且恃其勢弗能與爭也屠以女家慕富厚而厭貧賤遂受其禮弗與競女意屠必有言而屠竟默默乃以死自誓豪卜日親迎女涕泣弗肯就車父若母強之女令與豪訣妾本屠氏婦未親見屠郎之必棄妾也今日之事道必經屠氏廟至屠氏門

一而屠即彼言聽妾改從乃敢侍巾櫛豪意以勢言可必屠之無他也曲許之女上車令御者至屠氏門則相告及門呼屠與見屠出揭帷視之女已拔簪自刺其喉亟救之血流如注氣絕矣豪以女既死遂棄其屍悉與家人犇歸屠感其義葬之如妻禮乃審厥象刻木爲女形日夕與對終身不復娶及貴凡赴任必載之以行酒至則云夫人請飲然後自飲食至必云夫人請食乃自食夜則擗之寢所未嘗一日聞人或以無後勸之娶不聽女父親往請之謂壻之爲吾女可云篤矣無後之謂何奈何執義而甘置身于不孝之大且大夫之妻三于禮匪過即吾女在寧弗達禮而有所妬也女如有知必以無後爲感使終爲若敖氏鬼女益不安于地下矣屠以妻父言勉置一妾未幾而娠幸生男屠卽選乳母養焉竟不復近此妾厚而遣之

氏姓譜

卷二十

七虞

屠氏

七

蒲氏

晉邑名又蒲國赤翟隗姓口于蒲衣八歲舜讓以天下項羽傳蒲將軍漢有詹事蒲昌蜀蒲禹卿宋蒲宗孟永昇惟敏又復姓有蒲姑蒲城蒲園三氏按通志姒姓有扈氏之後爲啟所滅世爲西羌酋長晉書苻洪傳始其家池上水生萑蒲長五丈五節形如竹時人遂以爲蒲家後改爲苻今蜀中多此姓望出河東

歷代名賢

周

蒲衣八歲爲舜師舜以天下讓不受而去

漢

蒲昌字君都潁川人治齊詩爲詹事馬援嘗從之受詩

蒲元住于斜谷口爲孔明鑄刀言漢水鈍弱不甚淬命于



成都取水蒲以淬刀言雜涪水入升不可用取水者服罪

蒲自字君錫閬州人母任氏知書號任五經自自幼以開  
敏聞中第歷利州司戶參軍三泉主簿知合江金水二縣  
通判文州議者欲開徑路直達陝西自言自文出江油鄧  
艾取蜀故道洮岷積石至文甚邇異時鬼章欲從此窺蜀  
爲其阻隘而止可爲之通道乎議遂塞尋爲睦親宅教授  
提舉湖北京西常平崇寧均田轉運使以用不足將度費  
以定稅自謂詔旨所以嘉惠元元初不在增賦也有持田  
獻權貴而假中旨給賜者自又言宛穰地廣沃國初募民  
墾田得爲世業毋得輒訴已百年矣且地盈千頃戶且數  
百傳子至孫一旦改隸衆將不安先朝明詔其在胡可易  
之朝廷是其議擢提點湖南刑獄知鼎澧隴寧四州復拱

氏姓譜

卷二十

七虞

蒲氏

吳

舉潼川路刑獄有議權酷于濫叙間自言先朝念此地彝  
漢雜居故弛其禁以惠安邊人今之所行未見其利乃止  
累官中大夫卒年七十二

蒲壽晟咸淳七年知蒲州性儉約于民一毫無所取建會  
井汲水二瓶置座右人頌曰曾氏井泉千古溯蒲侯心事  
一般清

蒲叔獻南部人舉進士爲成都漕百姓歌曰運使姓蒲民  
力可蘇名爲宗正卿韓侂胄用事遂請去時論偉之

蒲規字正臣安岳人有文名爲洪雅令始以嚴治終以仁  
濟夷人德之

蒲堯仁字彥性福唐人乾道六年知太和廉白端謹無秋  
毫失自奉尤薄嘗曰吾不欲以口腹累人間輟俸餘散之  
貧民不爲儲積計縣宇火邑人環視歎曰得無爲吾大夫

憂出力新之不費縣官一錢居官三年去之日邑人爭齎錢帛送之一無所受龍圖學士胡鍾薦之曰所居民化所守不遷蓋實錄云

**蒲察琦**陽信人補刑部掾哀宗遷歸德汴京立講議所受陳言文字琦亦預焉與元好問甚相得崔立變後合改易巾髻琦謂好問曰今日易巾髻在京人皆可獨琦不可至其家自縊死琦沉靜好讀書知古今事母以孝謹稱

**蒲魯虎**知河南府貞祐中為陝州宣撫使元兵取潼關成卒皆潰蒲魯虎禦戰兵敗死之

**蒲道源**字得之號順齋世居眉州之青神幼強記過人究心濂洛之學嘗為神學正罷歸晚以遺逸徵入翰林改國

氏姓譜

卷二十

七虞 蒲氏

兜

子博士歲餘引去起捷舉陝西儒學不就優游林泉病弗御醫藥飲酒賦詩而逝仲子機為秘書少監哀其遺文曰閒居叢稿二十六卷黃潛為之序稱其以性理之學施為臺閣之文光輝自不可掩延祐五年道源為編修官言郝經讀漢書黜曹魏而使昭烈上繫漢統扶植綱常有裨世道即詔道源監刻行世

**蒲庸**城固縣令治績振舉政聲洽聞民為立祠

**蒲秉權**字度之號平若登萬歷癸丑進士授江西建昌令縣故刁疲凡握符茲土者盡速官誇去秉權下車後一新百度生聚教訓皆有原委蒞政五載士民謳訟赴覲舉卓異拔置吏垣秉權立朝丰骨嶽嶽多所建白時內監魏忠賢交通客氏竊弄國柄勢過瑾振紳士趨附暮走其門秉

權奮起曰虎翼未翦終難自戢輒飛章劾史相固寵貪位  
奏入天子震怒傳旨廷杖殛職得輔臣密揭救免未幾聞  
計歸及服闋日瑄坐罪敗建言諸臺省多賜名還長安富  
人邇欲秉權以前後狀聞于當宁乃遺書曰臣子進諫效  
忠非爲鈞譽鬻官計今若假斥瑄以博功名與藉媚使西  
圖富貴者其得失幾何後累辟起廢補西寧兵備副使西  
寧古湟中地番彝雜處庸心易啟秉權宣示朝廷威德陽  
予厚犒陰肆間諜爭先投降者無算又多方撫綏結以恩  
信遠人畏感事聞紀錄再轉肅州憲副肅較西寧孤縣天  
未四面桴鼓勿絕阿古囊素糾衆萬騎分道入寇秉權擐  
甲闔外親授方畧乘夜直搗賊營設伏扼險鼓銳夾攻斬  
滅七百餘級秉權親冒矢石驅馳沙漠積勞被病乃請歸  
大司馬追叙前功烈宗特賜用嘉異數但秉權志恬退于

氏姓譜

卷二十

七虞

蒲氏

五

是闢治菟裘爲終焉計詩酒自豪郡邑大夫罕見其面其  
所著有碩邁園集藏于家

蒲以懌字作文永明縣人鄒彥吉較湖南諸士得以懌卷  
大奇之拔置第一後累戰秋闈及壯始謁銓選授四川鹽  
亭令爲政先教養後科條不肯襲古世苟且之治民食其  
福簿書之暇樂率青衿課文講藝壘壘勿倦尋轉常州別  
駕兼攝府篆益加砥礪受事之日筦掾持藏金數百兩相  
餽謂應得歸諸私橐者叱之曰纈毫皆民脂膏安得以無  
名入吏俛首而退其清操峻節如此至事親純孝人無間  
言每遇父母忌辰臨祭必縞服哀泣終身之慕八十年如  
一日云

蒲宗瑞字信之號亭山永明縣人正德年貢授崇善善令愛  
民如子百姓咸曰爲佛以疾乞休諸父老子弟板轅臥轍

巷泣塗涕車軹不得行所攜竹籠一肩抵家家人啟視之  
只官俸數金迄今稱清白吏者以宗瑞爲首至于居家惟  
研求理學垂老不倦訓誨子孫皆有模範鄉人式稱焉

蒲秉厚字在積善事父母郡縣咸以孝稱之督學使徐人  
龍旌獎優行及歲薦將臨猶以事親爲辭當事再四勸駕  
入燕時魏瑄擅權褻裳就之者紛紛秉厚喟然嘆曰苟爲  
不義縱得萬鍾何若菽水承歡之爲愈乎遂拂衣歸壽增  
九旬三舉大賓爲邑之表

蒲凝重南海人以行人謫丞尋知靈州履任未越月草蠹  
弊六事皆切民瘼性疎曠厭趨迎與諸士講論津津忘倦  
擢佐溫州卒

蒲允康渠縣人咸化中新化主簿多謀畧防禦武岡峒口  
苗寇遠遁

氏姓譜

卷二十

七真

蒲氏

五

蒲來舉知甘泉賊來犯守備孫守法等擁兵不救城破來  
舉手刃一賊傷六賊而後死贈光祿少卿

蒲大順字達夫永明縣人少有雅操爲諸生試輒高等一  
旦謝去選名勝別構一區額以逸我泉石花竹日徜徉其  
中與人言皆依良知嘗謂良知徹天徹地便自浩然學者  
多從之游稱爲浩泉先生

蒲以悌字作仁永明縣人少負慧讀書十行並下起家瀧  
陽合志耽于隱不習爲吏服官僅六十日輒解印綬傲蕪  
軒冕浮雲富貴至于孝友慈和一往篤摯足式景行云

歷代列女

蒲氏行唐人嫁樊氏爲妻未幾樊卒誓不再適時有山寇  
逼求爲妻蒲氏跳于崖下水中而死鄉人號曰義姜稱其  
水爲玉女塘

蒲氏麻城人邑吏蒲汴女年二十六爲紅巾賊所執欲汚之女縮以隨我至山橋下靜處賊以爲然比至女潛拔簪刺其一目賊伏地衆賊追刃之罵不絕口死

蒲氏永明人徐時述妻時述早世氏年二十遺孤日省甫四齡家貧績紉治生事姑課子植節以老

蒲氏永明人名素婦徐濂妻年二十二濂爲邑豪毆死氏誓志復仇仇畏罪自刎素婦守節終身

徒氏

見姓苑

歷代列女

徒氏奉化人嚴珣妻與嚴瑄妻孫氏共矢志守節萬歷間縣令樊轍題其門曰儒家雙節

符氏

氏姓譜

卷三十

七虞 徒氏

五

通志云姬姓魯頃公爲楚所滅頃公之孫公雅爲秦符璽令因以爲氏望出瑯琊

歷代名賢

漢

符融字偉明陳留浚儀人也少爲都官吏恥之委去後游太學師事少府李膺膺風性高簡每見融輒絕它賓客聽其言論融幅巾奮袖談辭如雲膺每捧手歎息郭林宗始入京師時人莫識融一見嗟服因以介于李膺由是知名時漢中晉文經梁國王子艾並恃其才智炫曜上京臥託養疾無所通接洛中士大夫好事者承其聲各坐門問疾猶不得見三公所辟召者輒以詢訪之隨所臧否以爲與奪融察其非真乃到太學并見李膺曰二子行業無聞以豪傑自置遂使公卿問疾王臣坐門融恐其小道破義空

譽違實特宜察焉磨然之二人自是名論漸衰賓徒稍省  
旬日之間慙歎逃去後果爲輕薄子並以罪廢棄融益以  
知名州郡禮請舉孝廉公府連辟皆不應太守馮岱有名  
稱到官請融相見融一往薦達郡士范冉韓卓孔佃等三  
人因辭病自絕會有黨事亦遭禁錮妻亡貧無殯殮鄉人  
欲爲具棺服融不肯受曰古之亡者棄之中野惟妻子可  
以行志但卽土埋藏而已

符乾仁撰修真秘錄一卷

符推爲人樂施乞人填門曰天下物何常今日富明日貧  
耳位尙書令

唐

符載字厚之蜀人有奇才始與楊衡宋濟習業青城山衡

氏姓譜

卷二十

七虞

符氏

三

擢第濟老死無成惟載以王霸自許不爲章句學貞元中  
李巽薦其材授奉禮郎爲南昌軍副使繼辟韋皋節度支  
使雖日受知尙多偃蹇嘗陪飲摩訶池畢請撰齋詞載離  
席盥漱命吏捧硯口占敏速皋卒劉闢敗載得免禍轉隱  
廬山遺書于頓乞買山錢頓卽與之柳宗元稱其藝術志  
氣爲時聞人才位未曾盤旋固久中間因緣陷在危邦與  
時偃仰不廢其道後辟鄒士美參謀歷協律郎監察御史  
卒

符合奇沂州人初爲盧龍裨將會幽州亂挈子璘奔睢義

薛嵩署爲軍副嵩卒田承嗣盜其地引爲右職田悅拒命

合奇密與璘曰吾閱世事多矣自安史干紀已無瞧類今

田氏蹈之覆亡無時汝能委質朝廷爲唐忠臣吾亦名揚

後世矣璘泣曰悅忍人也近禍可畏答曰今王師四合吾

屬祖中醜兒今行吾死不朽不行吾亦死尸疊逆地云何  
璘俯泣不能對率二弟與父嚙臂爲別因送李納兵歸齊  
璘以所從三百騎降于馬燧悅聞切責令奇正言數曰爾  
忘義背主旦夕係纒宗族屠地吾教子以順殺身何辭鈞  
爲一死過爾遠矣悅怒奮起殺之夷其家合奇顏色不變  
時年七十九惟妻世里中獨免

符璘字元亮馬燧初署爲軍副詔旃特進封義陽郡王聞  
父見害號絕泣血燧表贈戶部尚書加璘檢校左散騎常  
侍賜晉陽第一區祁田五十頃李懷光反從燧介五千兵  
先濟河與西師合又從入朝加輔國大將軍重賜靖恭里  
第藍田田四十頃田悅死詔逆其母賜宴別殿凡居環衛  
十三年卒年六十五贈越州都督

氏姓譜

卷二十

七虞

符氏

五

符習趙州昭慶人少事趙王鎔爲軍校嘗遣從晉救趙破  
梁軍于柏鄉鎔被弑上書求歸破賊以報王寃莊宗壯之  
以爲鎮州兵馬留後攻戰不克後賊破授以成德軍固辭  
不受願授河南一鎮改天平軍節度使在鎮未嘗妄作當  
時稱爲武臣中之廉慎者歷安國平盧兩軍趙在禮亂遣  
以兵討賊明宗使人招之初謂舉兵不順意尙未決霍彥  
威給以主上欲殺十人公居其四復何猶豫乎習意乃決  
平盧監軍楊希範聞之以兵圍習家屬將殺之指揮使王  
公儼給希望謂宜分兵守城公儼因禽希望斬之自求爲節度  
希望信之甫分兵守城公儼因禽希望斬之自求爲節度  
使宣言青人不便習之嚴急不宜復來明宗代以房知溫  
鎮平盧拜公儼登州刺史公儼不卽承命知溫禽殺之習  
復鎮天平徙宣武素爲安重誨不悅希旨者上言習厚獄

汴人乃以太子太師致仕得保全家屬以歸命其子合謙  
爲趙州刺史以奉養之卒贈太師

符合謙有勇力善騎射以父任爲將在趙州有善政卒州  
人號泣送葬者數千人號良刺史次子蒙少好學性剛鯁  
爲成德軍節度副使後事晉至禮部侍郎

符存審字德詳陳州宛邱人也初名存少微賤善歌嘗犯  
法當死因歌而免初事李罕之從歸晉爲義兒軍使賜姓  
名李存審從擊李匡儔爲前鋒破屈庸闕又從擊王行瑜  
破龍泉寨以功遷校尉從李嗣昭攻汾州執李塘遷左右  
廂步軍都指揮使攻潞州降丁曾破夾城皆有功遷忻州  
刺史蕃漢馬步軍都指揮使天祐九年屯下博晉趙攻燕  
梁來救擊趙深州圍蓆縣擊走之領邢州團練使魏博叛  
梁來降命爲先鋒屯臨清莊宗入魏存審殿軍魏縣與劉

氏姓譜

卷二十

七虞

符氏

五

郭相距敗之于故元城降邢州閻寶擢安國軍節度使又  
降滄州毛璋徙橫海加同平章事契丹圍幽州方與梁相  
持河上莊宗問諸將欲發兵兵少欲勿救懼失之獨存審  
以爲當救願假臣騎兵五千足矣乃遣分兵往救擊走之  
胡柳坡之敗方爭土山存審與其子彥圖力戰復敗梁軍  
遂築德勝兩城遷內外蕃漢馬步軍總管梁惡朱友謙降  
晉遣劉鄩攻同州友謙求救莊宗遣存審與李嗣昭救之  
梁人素易河中兵少而弱且不虞晉軍速至爲選精騎二  
百雜河中兵出擊鄩壘陽敗而走伺其來追反戰獲其騎  
兵五十餘梁人知其晉軍皆驚走然以新降糧少人心頗  
持兩端屯于朝邑諸將皆欲速戰存審獨不肯曰使梁軍  
知吾欲速夾渭而營斷絕餉道以持久困我則進退不可  
敗之道也不若緩師示弱伺隙出奇可以取勝乃按軍不



動居旬日望氣者言有黑氣狀如鬪雞下令曰可以戰矣  
進軍奮擊大敗之郭閉壁不復出存審度兵已困可少逸  
之乃休士卒遣裨將王建及牧馬于沙苑郭謂晉軍且懈  
乃夜遯去追擊于渭河又敗之最後破張文禮其爲將有  
機畧大小百餘戰未嘗敗衄與周德威齊各德威死獨存  
審在契丹攻遮虜乃以存審爲盧龍軍節度使時存審已  
病莊宗強遣之俄因不預滅梁入洛疾益甚請朝京師時  
郭崇韜以名望素出其下不樂加于已上因沮其事存審  
伏枕歎曰老夫事二主四十年今日天下一家四夷遠俗  
至于亡國之將射鉤斬祛之人皆得親見天子奉觴上壽  
而獨予棄死于此豈非命哉病已亟復徙宣武軍卒于幽  
州臨終出平生身所中矢鏃百餘示三子曰爾曹勉之三  
子彥超彥饒彥卿

氏姓譜

卷二十

七虞

符氏

吳

符彥超由汾州刺史爲北京巡檢殺永王存霸來朝明宗  
德之勞曰河東無事賴卿之力以爲建雄軍留後遷北京  
留守歷昭義泰寧軍節度使遷安遠爲主藏奴王希全所  
殺贈太尉

符彥饒爲汴州馬步軍都指揮使天成元年發兵三千戍  
瓦橋關控鶴指揮使張諫爲亂殺權知州高述迫彥饒爲  
帥彥饒陽許之曰欲吾爲帥當止焚掠以軍禮見吾于南  
衙乃陰約拱衙指揮使龐起伏甲衙內明日諫等皆集伏  
兵發誅殺四百餘人明宗褒其忠畧累遷彰聖都指揮使  
歷漕沂饒三州刺史清泰三年拜忠正軍節度使侍衛馬  
步軍都指揮使晉高祖起以待衛兵從廢帝至河陽兵敗  
晉祖代以楊光遠徙彥饒鎮義成軍與晉初無釁坐麾下  
白奉進禦范延光屯滑州斬義成犯法三人麾下大謀追

殺奉進誣以應延光反聞于晉祖削奪官爵使人殺之

符昫字致恭存審孫也謹厚謙約頗讀書好事蔭補牙職俄領興州刺史開寶中補供奉官遷西京作坊副使出護陳許蔡穎等州巡兵征太原為御營四面巡檢使攻幽州與宋偓率兵萬餘砦于城南師還真拜蔡州刺史知并澶二州連知永興軍梓滑二州咸平初又為天雄邢州二鈐轄以病求歸京師卒年五十七車駕臨哭贈鎮東軍節度使子承煦左千牛衛將軍

符惟忠字正臣存審元孫也以外祖母賢靖大長公主蔭為三班奉職擢閤門通事舍人勾當東排岸司三司使寇賊繩下急漕米數不足吏卒率論自盜惟忠以法爭之城怒惟忠辨愈力咸得坐減久之以西染院副使權提舉倉

氏姓譜 卷二十 七虞 符氏 五

草場提點開封府界縣鎮公事宰相王曾外孫樂誥為開封簿以無善狀不肯薦獨薦長城尉吳奎且厚遇之誥果以賊敗惠民河與刁河合流歲多決溢害民田惟忠自來樓鎮碾灣橫隴村置二斗門殺水勢以接鄭河自是無水害陝西用兵除涇原路兵馬鈐轄兼知涇州再遷西上閤門使副富弼往報契丹求地至武彊縣疽發背卒贈客省使眉州防禦使

符授南豐人元豐間進士性恬退不事干謁累官中奉大夫卒

符盛字昌國閬中人大觀登第撫州司法參軍

符中行授之子政和進士知成都府所至有政績裁減用兵橫歛之半任江西轉運使

符鍾字伯聲江西南昌人知道州值歲荒飢殍載道鍾悉發倉穀振濟而後以聞全活無算適永明界猺峒越境爲寇故事歲犒牛酒時以賞格久廢致滋蠢動鍾至循例舉行諭以恩威猺峒大喜又申明耗稅民困以甦每遇祭祀必沐浴宿齋上宮最其治行委以衡永郴諸路查盤所過精明有聲民懷不置

符永膺益陽人獻賊攻益陽永膺負父逃石嶺被執不屈賊斷其手久之始蘇

符濟福建人初爲萬安知縣擢安慶知府濟公平廉幹吏民悅服君子曰符濟律身以正待軍衛甚嚴故人多仰之

符錫新喻人嘉靖三年任饒州府通判設施調度卓有條理勞來安集政教寢行

歷代列女

氏姓譜

卷二十

七虞

符氏

五

符氏婦字玉英符鳳妻色姝美鳳以罪徙儋州至南海爲獠賊所殺脅玉英欲私之氏知不可拒以計給曰一婦人不足事衆男子請推一長者賊然之乃請沐浴更衣有頃盛服立于船頭罵曰受賊辱不如死自沉于海

符氏婦名真奴符松妾也松死其妾鍾氏將歸母家欲他適真奴泣諫求爲終喪鍾大怒亂捶之必逼之去真奴潛還慟哭自縊死于冢上

符氏婦符賓妻思南府人知縣羅萬鵬女也年十九適賓賓卒矢志冰操依父母居足不踰閭閻以療親御史梁炳胡平運均以節孝旌表其門壽至八十而終

符氏李昭妻南豐人年四十喪夫教育三子年百有三歲

氏姓譜卷二十終

湘鄉

蕭智漢雲澤氏纂輯

男秉信明甫氏校

上平聲

朱氏

朱氏

出自曹姓顓頊之後有六終產六子其第五子曰安周武王克商封安苗裔依于邾附庸于魯其地魯國鄒縣是也自安至儀父十二世始昆春秋齊桓行霸儀父附從進爵稱子桓公以下春秋後八世而為楚所滅故子孫去邑為朱氏世居沛國相縣前漢大司馬長史詡生浮字公叔大司馬大司空新息侯生下邳太守永承九世孫吏部尚書尚尚生質司徒質二子禹卓禹司隸校尉青州刺史坐黨錮誅子孫避難丹楊丹楊朱氏之祖

氏姓譜

卷十一

七虞

朱氏

也卓生扶風太守翻翻生上洛太守越越字元勝越八世孫丞相行參軍詢二子濟濟生冲冲生威則散騎常侍給事中生騰字龍懷陳郡太守三子憲斌綽綽字祖明西陽太守二子齡石超石騰裔孫建後周太子洗馬生僧寧隋睢陽太守生撰按通志其後盛大者有沛國丹陽永城吳郡錢塘義陽丹陽太康河南之九族顯于漢唐間又有渴燭渾可朱渾竝皆為朱氏虜姓也則為河南之族又急就篇注云系出舜臣朱虎之後又東觀記曰其先宋微子之後以國氏周衰諸侯滅宋犇碭易姓為朱又複姓公朱氏見後

歷代名賢

周

朱厲附莒穆公臣也初事穆公不見識焉冬處于山林食

村粟憂處洲澤食菱藕穆公以難死朱厲附將往死之其友曰子事君而不見識焉今君難吾子死之意者其不智乎朱厲附曰始我以爲君不吾知也今君死而吾不死是果不知我乎吾將死之以厲天下不知其臣者遂往死之朱亥大梁人有力隱于屠肆侯嬴薦之魏公子無忌使奉璧謝秦秦王怒使置之虎圈亥髮上衝冠瞋目視虎虎不敢動遂以禮遣之

宋張字子弓行與孔子同荀卿曰彼大儒者雖隱于窮閭陋室無置錐之地而王公不能與之爭者其言有類其行有禮其舉事無悔其時險應變曲當與時遷徙與世偃仰于舉萬變其道一也其窮也俗儒笑之其通也英傑化之鬼瑣逃之邪說畏之衆人愧之通則一天下窮則獨立貴名天不能死地不能埋桀黠之世不能汚仲尼子弓是也

氏姓譜

卷五

七虞

朱氏

二

朱建楚人也故嘗爲淮南王黥布相有罪去後復事布布欲反時問建建諫止之布不聽聽梁父侯遂反漢旣誅布聞建諫之高祖賜建號平原君家徙長安爲人辯有口刻廉剛直行不苟合義不取容辟陽侯行不正得幸呂太后欲知建建不肯見及建母死貧未有以發喪方假贖服具陸賈素與建善迺見辟陽侯賀曰平原君母死何迺賀我陸生曰前日君侯欲知平原君平原君義不知君以其母故今其母死君誠厚送喪則彼爲君死矣辟陽侯迺奉百金祝列侯貴人以辟陽侯故往賻凡五百金久之人或毀辟陽侯惠帝大怒下吏欲誅之太后慙不可言大臣多害辟陽侯行欲遂誅之辟陽侯困急使人欲見建建辭曰獄急不敢見君建迺求見孝惠幸臣閔籍儒說曰君所以得

幸帝天下莫不聞今辟陽侯幸太后而下吏道路皆言君  
讒欲殺之今日辟陽侯誅旦日太后含怒亦誅君君何不  
內祖爲辟侯言帝帝聽君出辟陽侯太后大驩兩王俱幸  
君君富貴益倍矣于是閹籍儒大恐從其計言帝帝果出  
辟陽侯辟陽侯之囚欲見建建不見辟陽侯以爲背之大  
怒及其成功出之大驚呂太后崩大臣誅諸呂辟陽侯與  
諸呂至深卒不誅計畫所以全者皆陸生平原君之力也  
孝文時淮南厲王殺辟陽侯以黨諸呂故孝文聞其客朱  
建爲其策使吏捕欲治聞吏至門建欲自殺諸子及吏皆  
曰事未可知何自殺爲建曰我死禍絕不及乃身矣遂自  
刺文帝聞而惜之曰吾無殺建意也迺召其子拜爲中大  
夫使匈奴單于無禮罵單于遂死匈奴中

朱雲字游魯人也徙平陵少時通輕俠借客報仇長八尺  
氏姓譜

卷五

七虞

朱氏

三

餘容貌甚壯以勇力聞年四十廼變節從博士白子友受  
易又事前將軍蕭望之受論語皆能傳其業好倜儻大節  
當世以是高之元帝時瑯邪貢禹爲御史大夫而華陰守  
丞嘉上封事言治道在于得賢御史之官宰相之副九卿  
之右不可不選平陵朱雲兼資文武忠正有智畧可使以  
六百石秩試守御史大夫以盡其能上廼下其事問公卿  
太子少傅匡衡對曰雲素好勇數犯法亡命受易頗有師  
道其行義未有以異今御史大夫禹絜白廉正經術通明  
有伯夷史魚之風海內莫不聞知而嘉猥稱雲欲令爲御  
史大夫妄相稱舉疑有姦心漸不可長宜下有司案驗以  
明好惡嘉竟坐之是時少府五鹿充宗貴幸爲梁邱易自  
宣帝時善梁邱氏說元帝好之欲考其異同合充宗與諸  
易家論充宗乘貴辯口諸儒莫能抗皆稱疾不敢會有薦

雲者召入攝齋登堂抗首而請音動左右既論難連柱五鹿君故諸儒爲之語曰五鹿嶽嶽朱雲折其角絲是爲博士遷杜陵令坐故縱亡命會赦舉方正爲槐里令時中書令石顯用事與充宗爲黨百僚畏之唯御史中丞陳咸年少抗節不附顯等而與雲相結雲數上疏言丞相常元成容身保位亡能往來而咸數毀石顯久之有司考雲疑風吏殺人羣臣朝見上問丞相以雲治行丞相元成言雲暴虐亡狀時陳咸在前聞之以語雲雲上書自訟咸爲定奏草求下御史中丞事下丞相丞相部吏考立其殺人罪雲亡入長安復與咸計議丞相具發其事奏咸宿衛執法之臣幸得進見漏泄所聞以私語雲爲定奏草欲令自下治後知雲亡命罪人而與交通雲以故不得上于是下咸雲獄滅死爲城旦咸雲遂廢錮終元帝世至成帝時丞相故

氏姓譜

卷五

七虞

朱氏

四

安昌侯張禹以帝師位特進甚尊重雲上書求見公卿在前雲曰今朝廷大臣上不能匡主下亡以益民皆尸位素餐孔子所謂鄙夫不可與事君苟患失之亡所不至者也臣願賜尚方斬馬劍斷佞臣一人以厲其餘上問誰也對曰安昌侯張禹上大怒曰小臣居下訕上廷辱師傳罪死不赦御史將雲下雲攀殿檻檻折雲呼曰臣得下從寵逢比干遊于地下足矣未知聖朝何如耳御史遂將雲去于是左將軍辛慶忌免冠解印綬叩頭殿下曰此臣素著狂直于世使其言是不可誅其言非固當容之臣敢以死爭慶忌叩頭流血上意解然後得已及後當治檻上曰勿易囚而鞫之以旌直臣雲自是之後不復仕常居鄴田時出乘牛車從諸生所過皆敬事焉薛宣爲丞相雲往見之宣備賓主禮因留雲宿從容謂雲曰在田野亡事且留我東

間可以觀四方奇士雲曰小生廼欲相吏邪宣不敢復言其教授擇諸生然後爲弟子九江嚴望及望兄子元字仲能傳雲學皆爲博士望至泰山太守雲年七十餘終于家病不呼醫飲藥遺言以身服歛棺周于身土周于棹爲丈五墳壆平陵東郭外

朱買臣字翁子吳人也家貧好讀書不治產業常艾薪樵賣以給食擔束薪行且誦書其妻亦負戴相隨數止買臣毋誣歌道中買臣愈益益疾歌妻羞之求去買臣笑曰我年五十當富貴今已四十餘矣女苦日久待我富貴報女功妻恚怒曰如公等終餓死溝中耳何能富貴買臣不能留卽聽去其後買臣獨行歌道中負薪墓間故妻與夫家俱上冢見買臣飢寒呼飯飲之後數歲買臣隨上計吏爲卒將重車至長安詣闕上書書久不報待詔公車糧用乏上

氏姓譜

卷五

七虞

朱氏

五

計吏卒更乞匄之會邑子嚴助貴幸薦買臣召見說春秋言楚詞帝甚悅之拜買臣爲中大夫與嚴助俱侍中是時方築朔方公孫宏諫以爲罷敝中國上使買臣難誦宏後買臣坐事免久之召待詔是時東越數反覆買臣因言故東越王居保泉山一人守險千人不得上今聞東越王更徙處南行去泉山五百里居大澤中今發兵浮海直指泉山陳舟列兵席卷南行可破滅也上拜買臣會稽太守上謂曰富貴不歸故鄉如衣繡夜行今子何如買臣頓首辭謝詔買臣到郡治樓船備糧食水戰具須詔書到軍與俱進初買臣免待詔常從會稽守邸者寄居飯食拜爲太守買臣衣故衣懷其邸綬步歸郡邸直上計時會稽吏方相與羣飲不視買臣買臣入室中守邸與共食食且飽少見其綬守邸怪之前引其綬視其邸會稽太守章也守邸驚



出謂上計掾吏皆醉大呼曰妄誕耳守邸曰試來視之其  
故人素輕買臣者入視之還走疾呼曰實然坐中驚駭白  
守丞相推排陳列中庭拜謁買臣徐出戶有頃長安廐吏  
乘駟馬車來迎買臣遂乘傳去會稽聞太守且至發民除  
道縣吏並送迎車百餘乘入吳界見其故妻妻夫治道買  
臣駐車呼令後車載其夫妻到太守舍置園中給食之居  
一月妻自經死買臣乞其夫錢令葬悉召見故人與飲食  
諸嘗有恩者皆報復焉居歲餘買臣受詔將兵與橫海將  
軍韓說等俱擊破東越有功徵入爲主爵都尉列于九卿  
數年坐法免官復爲丞相長史張湯爲御史大夫始買臣  
與嚴助俱侍中費用事湯尙爲小吏趨走買臣等前後湯  
以廷尉治淮南獄排陷嚴助買臣怨湯及買臣爲長史湯  
數行丞相事知買臣素貴故陵折之買臣見湯坐牀上弗

氏姓譜

卷五十一

七虞

朱氏

六

爲禮買臣深怨常欲死之後遂告湯陰事湯自殺上亦誅  
買臣買臣子山拊官至郡守右扶風

朱邑字仲卿廬江舒人也少時爲舒桐鄉嗇夫廉平不苛  
以愛利爲行未嘗笞辱人存問耆老孤寡遇之有恩所部  
吏民愛敬焉遷補太守卒史舉賢良爲大司農丞遷北海  
太守以治行第一入爲大司農爲人惇厚篤于故舊然性  
公正不可交以私天子器之朝廷敬焉是時張敞爲膠東  
相與邑書曰明主游心太古廣延茂士此誠忠臣竭忠之  
時也直做遠守劇郡馭于繩墨蕭臆約結固亡奇也雖有  
亦安所施足下以清明之德掌周禮之業猶飢者甘糟糠  
穰歲餘粟肉何則有亡之勢異也昔陳平雖賢須魏倩而  
後進韓信雖奇賴蕭公而後信故事各達其時之英俊若  
必伊尹呂望而後薦之則此人不因足下而進矣邑感敞

言貢薦賢士大夫多得其助者身爲列卿居處儉節祿賜以其九族鄉黨家亡餘財神爵元年卒天子閔惜下詔稱揚賜邑子黃金百斤以奉其祭祀初邑病且死屬其子曰我故爲桐鄉吏其民愛我必葬我桐鄉後世子孫奉嘗我不如桐鄉民及死其子葬之桐鄉西郭外民果然共爲邑起家立祠歲時祠祭至今不絕

朱家魯人高祖同時也魯人皆以儒教而朱家用俠聞所藏活豪士以百數其餘庸人不可勝言然終不伐其能飲其德諸所嘗施唯恐見之振人不贍先從貧賤始家無餘財衣不兼采食不重味乘不過勒牛專趨人之急甚于己私旣陰脫季布之厄及布尊貴終身不見自闕以東莫不延頸願交楚田仲以俠聞父事朱家自以爲行弗及也

朱博字子元杜陵人也家貧少時給事縣爲亭長好客少

氏姓譜

卷五

七虞 朱氏

七

年捕搏敢行稍遷爲曹功伉俠好交隨從士大夫不避風雨是時前將軍望之子蕭育御史大夫萬年子陳咸以公卿子著材知名博皆友之矣時諸陵縣屬太常博以太常掾察廉補安陵丞後去官入京兆歷曹史列掾出爲督郵書掾所部職辦郡中稱之而陳咸爲御史中丞坐漏泄省中語下獄博去吏間步至廷尉中候伺咸事咸掠治囚篤博詐得爲醫入獄得見咸具知其所坐罪博出獄又變姓名爲咸驗治數百卒免咸死罪咸得論出而博以此顯名爲郡功曹久之成帝卽位大將軍王鳳秉政奏請陳咸爲長史咸薦蕭育朱博除莫府屬鳳甚奇之舉博櫟陽令徙雲陽平陵三縣以高第八爲長安令京師治理遷冀州刺史博本武吏不更文法及爲刺史行部吏民數百人遮道自言官寺盡滿從事白請且留此縣錄見諸自言者事畢

迺發欲以觀試博博心知之告外趨駕既白駕辨博出就車見自言者使從事明敕告吏民欲言縣丞尉者刺史不察黃綬各自詣郡欲言二千石墨綬長吏者使者行部還詣治所其民爲吏所寃及言盜賊辭訟事各使屬其部從事博駐車決遣四五百人皆罷去如神吏民大驚不意博應事變迺至于此後博徐問果老從事教民聚會博殺此吏州郡畏博威嚴徙爲并州刺史護漕都尉遷瑯邪太守齊部舒緩養名博新視事右曹掾史皆移病卧博問其故對言惶恐故事二千石新到輒遣吏存問致意迺敢起職博奮髯抵几曰觀齊兒欲以此爲俗邪迺召見諸曹史書佐及縣大吏選視其可用者出教置之皆斥罷諸病吏白巾走出府門郡中大驚頌之門下掾贛遂者老大儒教授數百人拜起舒緩博出教主簿贛老生不習吏禮主簿且

氏姓譜

卷五

七虞

朱氏

八

教拜起閑習乃止又敕功曹官屬多褻衣大襪不中節度自今掾史衣皆令去地三寸博尤不愛諸生所至郡輒罷去議曹曰豈可復置謀曹邪文學儒吏時有奏記稱說云云博見謂曰如太守漢吏奉三尺律令以從事耳亡奈生所言聖人道何也且持此道歸堯舜君出爲陳說之其折逆人如此視事數年大改其俗掾史禮節如楚趙吏博治郡常令屬縣各用其豪傑以爲大吏文武從宜縣有劇賊及它非常博輒移書以詭責之其盡力有效必加厚賞懷詐不稱誅罰輒行以是豪強懣服姑幕縣有羣輩八人報仇廷中皆不得長吏自繫書言府賊曹掾史自白請至姑幕事留不出功曹諸掾卽皆自白復不出于是府丞詣閣博迺見丞掾曰以爲縣自有長吏府未嘗與也丞掾謂府當與之邪閣下書佐入博口占檄文曰府告姑幕令承言

賊發不得有書檄到令丞就職游徼王卿力有餘如律令  
王卿得赦惶怖親屬失色晝夜馳驚十餘日間捕得五人  
博復移書曰王卿憂公甚效檄到齎伐闕詣府部掾以下  
亦可用漸盡其餘矣其操持下皆此類也以高第入守左  
馮翊滿歲爲真其治左馮翊文理聰明殊不及辭宣而多  
武誦網絡張設少愛利敢誅殺然亦縱舍時有大貸下吏  
以此爲盡力長陵大姓尙方禁少時嘗盜人妻見斫創著  
其頰府功曹受賂白除禁調守尉博聞知以它事召見視  
其面果有癩博辟左右問禁是何等創也禁自知情得叩  
頭服狀博笑曰大丈夫固時有是馮翊欲洒卿耻按拭用  
禁能自效不禁且喜且懼對曰必死博因赦禁毋得泄語  
有便宜輒記言因親信之以爲耳目禁晨夜發起部中盜  
賊及它伏姦有功效博擢禁連守縣令久之召見功曹閉

氏姓譜

卷五

七虞

朱氏

九

閣數責以禁等事與筆札便自記積受取一錢以上無得  
有所匿欺謾半言斷頭矣功曹惶怖具自疏姦臧大小不  
敢隱博知其對以實迺令就席受赦自改而已投刀使削  
所記遣出就職功曹後常戰栗不敢蹉跌博遂成就之遷  
爲大司農歲餘坐小法左遷健爲太守先是南蠻若兒數  
爲寇盜博厚結其昆弟使爲反間襲殺之郡中清徙爲山  
陽太守病免官復徵爲光祿大夫遷廷尉職典決疑當讞  
平天下獄博恐爲官屬所誣視事召見正監典法掾史謂  
曰廷尉本起于武吏不通法律幸有衆賢亦何憂然廷尉  
治郡斷獄以來且二十年亦獨耳剽日久三尺律令人事  
出其中掾史試與正監共撰前世決事吏議難知者數十  
事持以問廷尉得諸君覆意之正監以爲博苟強意未必  
能然卽其條白焉博皆召掾史竝坐而問爲平處其輕重

十中入九官屬戚服博之疏畧材過人也每遷徙易官所  
到輒出奇譎如此以明示下爲不可欺者久之遷後將軍  
與紅陽侯立相善立有罪就國有司奏立黨友博坐免後  
歲餘哀帝卽位以博名臣召見起家復爲光祿大夫遷爲  
京兆尹數月超爲大司空初漢興襲秦官置丞相御史大  
夫太尉至武帝罷太尉始置大司馬以冠將軍之號非有  
印綬官屬也及成帝時何武爲九卿建言古者民樸事約  
國之輔佐必得賢聖然猶則天三光備三公官各有分職  
今未俗文弊政事煩多宰相之材不能及古而丞相獨兼  
三公之事所以久廢而不治也宜建三公官定卿大夫之  
任分職授政以考功效其後上以問師安昌侯張禹禹以  
爲然時曲陽侯王根爲大司馬票騎將軍而何武爲御史  
大夫于是上賜曲陽侯根大司馬印綬置官屬罷票騎將

氏姓譜

卷三

七虞

朱氏

十

軍官以御史大夫何武爲大司空封列侯皆增奉如丞相  
以備三公官焉議者多以爲古今異制漢自天子之號下  
至佐史皆不同于古而獨改三公職事難分明無益于治  
亂是時御史府吏舍百餘區井水皆竭又其府中列栢樹  
常有野鳥數千棲宿其上晨去暮來號曰朝夕鳥鳥去不  
來者數月長老異之後二歲餘朱博爲大司空奏言帝王  
之道不必相襲各繇時務高皇帝以聖德受命建立鴻業  
置御史大夫位次丞相典正法度以職相參總領百官上  
下相監臨歷載二百年天下安寧今更爲大司空與丞相  
同位未獲嘉祐故事選郡國守相高第爲中二千石選中  
二千石爲御史大夫任職者爲丞相位次有序所以尊聖  
德重國相也今中二千石未更御史大夫而爲丞相權輕  
非所以重國政也臣愚以爲大司空官可罷復置御史大

夫遵奉舊制臣願盡力以御史大夫爲百僚率哀帝從之  
廼更拜博爲御史大夫會大司馬喜免以陽安侯丁明爲  
大司馬衛將軍置官屬大司馬冠號如故事後四歲哀帝  
遂改丞相爲大司徒復置大司空大司馬焉初何武爲大  
司空又與丞相翟方進共奏言古選諸侯賢者以爲州伯  
書曰咨十有二牧所以廣聰明燭幽隱也今部刺史居牧  
伯之位秉一州之統選第大吏所薦位高至九卿所惡立  
退任重職大春秋之義用貴治賤不以卑臨尊刺史位下  
大夫而臨二千石輕重不相準失位次之序臣請罷刺史  
更置州牧以應古制奏可及博奏復御史大夫官又奏言  
漢家至德溥大宇內萬里立置郡縣部刺史奉使典州督  
察郡國吏民安寧故事居部九歲舉爲守相其有異材功  
效著者輒登擢秩卑而賞厚咸勸功樂進前丞相方進奏

氏姓譜

卷五

七虞

朱氏

七

罷刺史更置州牧秩真二千石位次九卿九卿餓以高弟  
補其中材則苟自守而已恐功效陵夷姦軌不禁臣請罷  
州牧置刺史如故奏可博爲人廉儉不好酒色游宴自微  
賤至富貴食不重味案上不過三楮夜寢早起妻希見其  
面有一女無男然好樂士大夫爲郡守九卿賓客滿門欲  
仕宦者薦舉之欲報仇者解劍以帶之其趨事待士如是  
博以此自立然終用敗下獄自殺

朱暉字文季南陽宛人也家世衣冠暉早孤有氣決年十

三王莽敗天下亂與外氏家屬從田間奔入宛城道遇羣  
賊白刃劫諸婦女畧奪衣物昆弟賓客皆惶迫伏地莫敢  
動暉拔劍前曰財物皆可取耳諸母衣不可得今日朱暉  
死日也賊見其小壯其志笑曰童子內刀遂捨之而去初  
光武與暉父岑俱學長安有舊故及卽位求問岑時已卒

乃召暉拜爲郎暉尋以病去卒業于太學性矜嚴進止必以禮諸儒稱其高永平初顯宗舅新陽侯陰就慕暉賢自往候之暉避不見復遣家丞致禮暉遂閉門不受就聞歎曰志士也勿奪其節後爲郡吏太守阮况嘗欲市暉婢暉不從及况卒暉乃厚贈送其家人或譏焉暉曰前阮府君有求于我所以不敢聞命誠恐以財貨汚君今而相送明吾非有愛也驃騎將軍東平王蒼聞而嘉之甚禮敬焉正月朔旦蒼當入賀故事少府給璧是時陰就爲府卿貴驕吏傲不奏法蒼坐朝堂漏且盡而求璧不可得顧謂掾屬曰若之何暉望見少府主簿持璧卽往給之曰我數聞璧而未嘗見試請觀之主簿以授暉暉顧召令史奉之主簿大驚遽以白就就曰朱掾義士勿復求更以它璧朝蒼旣罷召暉謂曰屬者掾自視孰與藺相如帝聞壯之及當幸

氏姓譜

卷五

七虞

朱氏

十一

長安欲嚴宿衛故以暉爲衛士令再遷臨淮太守暉好節概有所拔用皆厲行士其諸報怨以義犯率皆爲求其理多得生濟其不義之囚卽時僵仆吏人畏愛爲之歌曰彊直自遂南陽朱季吏畏其威人懷其惠數年坐法免暉剛于爲吏見忌于上所在多被劾自去臨淮屏居野澤布衣蔬食不與邑里通鄉黨譏其介建初中南陽大飢米石千餘暉盡散其家資以分宗里故舊之貧羸者鄉族皆歸焉初暉同縣張堪素有名稱嘗于太學見暉甚重之接以友道乃把暉臂曰欲以妻子託朱生暉以堪先達舉手未敢對自後不復相見堪卒暉聞其妻子貧困乃自往候視厚賑贍之暉少子頡怪而問曰大人不與堪爲友平生未曾相聞子孫竊怪之暉曰堪嘗有知己之言吾以信于心也暉又與同郡陳揖交善揖早卒有遺腹子友暉嘗哀之及

司徒桓虞爲南陽太守召暉子駢爲吏暉辭駢而薦友虞歎息遂召之其義烈若此元和中肅宗巡狩告南陽太守問暉起居召拜爲尙書僕射歲中遷泰山太守暉上疏乞留中詔許之因上便宜陳密事深見嘉納詔報曰補公家之闕不累清白之素斯善美之士也俗吏苟合阿意面從進無譽譽之志卻無退思之念患之甚久惟今所言適我願也生其勉之是時穀貴縣官經用不足朝廷憂之尙書張林上言穀所以貴由錢賤故也可盡封錢一取布帛爲租以通天下之用又鹽食之急者雖貴人不得不須官可自鬻又宜因交趾益州上計吏往來市珍寶收采其利武帝時所謂均輸者也于是詔諸尙書通議暉奏據林言不可施行事遂寢後陳事者復重述林前議以爲于國誠便帝然之有詔施行暉復獨奏曰王制天子不言有無諸侯

氏姓譜

卷五

七虞

朱氏

三

不言多少食祿之家不與百姓爭利今均輸之法與賈販無異鹽利歸官則下人窮怨布帛爲租則吏多姦盜誠非明主所當行帝卒以林等言爲然得暉重議因發怒切責諸尙書暉等皆自繫獄三日詔赦出之曰國家樂聞駁議黃髮無愆詔書過耳何故自繫暉因稱病篤不肯復署議尙書令以下惶怖謂暉曰今臨得譴讓奈何稱病其禍不細暉曰行年八十蒙恩得在機密當以死報若心知不可而順旨雷同負臣子之義今耳目無所聞見伏待死命遂閉口不復言諸尙書不知所爲乃共劾奏暉帝意解寢其事後數日詔使直事郎問暉起居太醫視疾太官賜食暉乃起謝復賜錢十萬布百匹衣十領後遷爲尙書令以老病乞身拜騎都尉賜錢二十萬和帝卽位竇憲北征匈奴暉復上疏諫頤之病卒于頤頤子穆嗣



朱穆字公叔年五歲便有孝稱父母有病輒不飲食差乃復常及壯就學銳意誦誦或時思至不自知亡失衣冠顛隊皖岸其父常以爲專愚幾不知數馬足穆愈更精篤初舉孝廉順帝末江淮盜賊羣起州郡不能禁或說大將軍梁冀曰朱公叔兼資文武海內奇士若以爲謀主賊不足平也冀亦素聞穆名乃辟之使典兵事甚見親任及桓帝卽位順烈太后臨朝穆以冀勢地親重望有以扶持王室因推災異奏詔以勸戒冀曰穆伏念明年丁亥之歲刑德合于乾位易經龍戰之會其文曰龍戰于野其道窮也謂陽道將勝而陰道負也今年九月天氣鬱冒五位四候連失正氣此五相明也夫善道屬陽惡道屬陰若修正守陽摧折惡類則福從之矣穆每事不逮所好唯學傳受于師時有可試願將軍少察愚言申納諸儒而親其忠正絕其

氏姓譜

卷五

七虞

朱氏

高

姑息專心公朝割除私欲廣求賢能斥遠佞惡夫人君不可不學當以天地順道漸漬其心宜爲皇帝選置師傅及侍講者得小心忠篤敦禮之士將軍與之俱入參勸講授師賢法古此猶倚南山坐平原也誰能傾之今年夏月暈房星明年當有小戾宜急誅姦臣爲天下所怨毒者以塞災咎議郎大夫之位本以次序儒術高行之士今多非其人九卿之中亦有乖其任者惟將軍察焉又薦种暲樂巴等而明年嚴鮪謀立清河王蒜又黃龍二見沛國冀無術學遂以穆龍戰之言爲應于是請暲爲從事中郎薦巴爲議郎舉穆高第爲侍御史時同郡趙康叔盛者隱于武當山清靜不任以經傳教授穆時年五十乃奉書稱弟子及康歿喪之如師其尊德重道爲當時所服常感時澆薄慕尙敦篤乃作崇厚論又著絕交論亦矯時之作梁冀驕暴

不按朝野嗟毒穆以故吏懼其釁積招禍復奏記諫冀不  
納而縱放日滋遂復賂遺左右交通宦者任其子弟賓客  
以爲州郡要職穆又奏記極諫冀終不寤報書云如此僕  
亦無一可邪穆言雖切然亦不甚罪也永興元年河溢漂  
害人庶數十萬戶百姓荒饑流移道路冀州盜賊尤多故  
擢穆爲冀州刺史州人有宦者三人爲中常侍竝以檄謁  
穆穆疾之辭不相見冀部令長聞穆濟河解卽殺去者四  
十餘人及到奏劾諸部至有自殺者以威畧權宜盡誅賊  
渠帥舉劾權貴或乃死獄中有宦者趙忠喪父歸葬安平  
僭爲瓊璫玉匣偶人穆聞之下郡案驗吏畏其嚴明遂發  
墓剖棺陳尸出之而收其家屬帝聞大怒徵穆詣廷尉輸  
作左校太學書生劉陶等數千人詣闕上書訟穆帝覽其  
奏乃赦之穆居家數年在朝諸公多有相推薦者于是徵

氏姓譜

卷五

七虞

朱氏

五

拜尙書穆既深疾宦官及在臺閣旦夕共事志欲除之乃  
上疏曰案漢故事中常侍參選士人建武以後乃悉用宦  
者自延平以來浸溢貴盛假貂璫之飾處常伯之任天朝  
政事一更其手權傾海內寵貴無極子弟親戚竝荷榮任  
故汎濫驕溢莫能禁禦凶狡無行之徒媚以求官恃勢怙  
寵之輩漁食百姓窮破天下空竭小人愚臣以爲可悉罷  
省遵復往初率由舊章更選海內清淳之士明達國體者  
以補其處卽陛下可爲堯舜之君衆僚皆爲稷契之臣兆  
庶黎民蒙被聖化矣帝不納後穆因進見口復陳曰臣聞  
漢家舊典置侍中中常侍各一人省尙書事黃門侍郎一  
人傳發書奏皆用姓族自和熹太后以女主稱制不接公  
卿乃以閹人爲常侍小黃門通命兩宮自此以來權傾人  
主窮困天下宜皆罷遣博選者儒宿德與參政事帝怒不

應穆伏不肯起左右傳出良久乃趨而去自此中官數因事稱詔誅毀之穆素剛不得意居無幾憤懣發疽桓帝延熹六年卒時年六十四祿仕數十年蔬食布衣家無餘財公卿共表穆立節忠清虔恭機密守死善道宜蒙旌寵策詔褒述追贈益州太守所著論策奏教書詩記嘲凡二十篇穆前在冀州所辟用皆清德長者多至公卿州郡子野少有名節仕至河南尹初穆父卒穆與諸儒考依古義諡曰貞宣先生及穆卒蔡邕復與門人共述其體行諡爲文忠先生

朱祐字仲先南陽宛人也少孤歸外家復陽劉氏往來春陵世祖與伯升皆親愛之伯升拜大司徒以祐爲護軍及世祖爲大司馬討河北復以祐爲護軍常見親幸舍止于中祐侍讌從容曰長安政亂公有日角之相此天命也世

氏姓譜

卷五

七虞

朱氏

六

祖曰召刺姦收護軍祐乃不敢復言從征河北常力戰陷陣以爲偏將軍封安陽侯世祖卽位拜爲建義大將軍建武二年更封堵陽侯冬與諸將擊鄧奉于清陽祐軍敗爲奉所獲明年奉破乃肉祖因祐降帝復祐位而厚加慰賜遣擊新野隨皆平之延岑自敗于穰遂與秦豐將張成合祐率征虜將軍祭遵與戰于東陽大破之臨陣斬成延岑敗走歸豐祐收得卽綬九十七進擊黃郵降之賜祐黃金三十斤四年率破姦將軍侯進輔威將軍耿植代征南大將軍岑彭圍秦豐于黎邱破其將張康于蔡陽斬之帝自至黎邱使御史中丞李由持璽書招豐豐出惡言不肯降車駕引還救祐方畧祐盡力攻之明年夏城中窮困豐乃將其母妻子九人肉祖降祐檻車傳豐送洛陽斬之大司馬吳漢劾奏祐廢詔受降違將帥之任帝不加罪祐還與

騎都尉臧宮會擊延岑餘黨陰鄼筑陽三州賊悉平之祐  
爲人質直尚儒學將兵率眾多受降以克定城邑爲本不  
存首級之功又禁制士卒不得虜掠百姓軍人樂放縱多  
以此怨之九年屯南行唐拒匈奴十三年增邑定封鬲侯  
食邑七千三百戶十五年朝京師上大將軍印綬因留奉  
朝請祐奏古者人臣受封不加王爵可改諸王爲公帝卽  
施行又奏宜令三公並去大名以法經典後遂從其議祐  
初學長安帝往候之祐不時相勞苦而先升講舍後車駕  
幸其第帝因笑曰主人得無舍我講乎以有舊恩數蒙賞  
賚二十四年卒子商嗣商卒子演嗣永元十四年坐從兄  
伯爲外孫陰皇后巫蠱事免爲庶人永初七年鄧太后紹  
封演子冲爲鬲侯

朱雋字公偉會稽上虞人也少孤母常販緇爲業雋以孝

氏姓譜

卷王

七虞

朱氏

七

養致名爲縣門下書佐好義輕財鄉閭敬之時同郡周規  
辟公府當行假郡庫錢百萬以爲冠幘費而後倉卒督責  
規家貧無以備雋乃竊母緇帛爲規解對母旣失產業深  
患責之雋曰小損當大益初貧後富必然理也本縣長山  
陽度尚見而奇之薦于太守韋毅稍歷郡職後太守尹端  
以雋爲主簿熹平二年端坐討賊許昭失利爲州所奏罪  
應棄市雋乃羸服間行輕齋數百金到京師賂主章吏遂  
得刊定州奏故端得輸作左杖端喜于降免而不知其由  
雋亦終無所言後太守徐珪舉雋孝廉再遷除蘭陵令政  
有異能爲東海相所表會交趾部羣賊竝起牧守輒弱不  
能禁又交趾賊梁龍等萬餘人與南海太守孔芝反叛攻  
破郡縣光和元年卽拜雋交趾刺史令過本郡簡募家兵  
及所調合五千人分從兩道而入旣到州界按甲不前先

遣使詣郡觀賊虛實宣揚威德以震動其心既而與七郡兵俱進逼之遂斬梁龍降者數萬人旬月盡定以功封都亭侯千五百戶賜黃金五十斤徵爲諫議大夫及黃巾起公卿多薦雋有才畧拜爲右中郎將持節與左中郎將皇甫嵩討潁川汝南陳國諸賊悉破平之嵩乃上言其狀而以功歸雋于是進封西鄉侯遷鎮賊中郎將時南陽黃巾張曼成起兵于潁上使眾數萬殺郡守褚貢屯宛下百餘日後太守秦頡擊殺曼成賊更以趙宏爲帥眾浸盛遂十餘萬據宛城雋與荊州刺史徐璆及秦頡合兵萬八千人圍宏自六月至八月不拔有司奏欲徵雋司空張溫上疏曰昔秦用白起燕任樂毅皆曠年歷載乃能克敵雋討潁川以有功效引師南指方畧已設臨軍易將兵家所忌宜假日月責其成功靈帝乃止雋因急擊宏斬之賊餘帥韓

氏姓譜

卷五

七虞 朱氏

六

忠復據宛拒雋雋兵少不敵乃張圍結壘起土山以臨城內因鳴鼓攻其西南賊悉眾赴之雋自將精卒五千掩其東北乘城而入忠乃退保小城惶懼乞降司馬張超及徐璆秦頡皆欲聽之雋曰兵有形同而勢異者昔秦項之際民無定主故賞附以勸來耳今海內一統唯黃巾逆寇納降無以勸善討之足以懲惡今若受之更開逆意賊利則進戰鈍則乞降縱敵長寇非良計也因急攻連戰不克雋登山望之顧謂張超曰吾知之矣賊今外圍周圍內營逼急乞降不受欲出不得所以死戰也萬人一心猶不可當况十萬乎其害甚矣不如徹圍并兵入城忠見圍解勢必自出自出則易散易破之道也旣而解圍忠果出戰雋因擊大破之乘勝逐北數十里斬首萬餘級忠等遂降而秦頡積忿忠遂殺之餘眾懼不自安復以孫夏爲帥還屯

宛中篤急攻之夏走追至西鄂精山又破之復斬萬餘級  
賊遂解散明年春遣使者持節拜雋右車騎將軍振旅還  
京師以爲光祿大夫增邑五千更封錢塘侯加位特進以  
母喪去官起家復爲將作大匠轉少府太僕自黃巾賊後  
復有黑山黃龍白波左校郭大賢于氐根青牛角張白騎  
劉石左髭丈八平漢大計司隸掾哉雷公浮雲飛燕白雀  
楊奉于毒五鹿李大目白繞畦固苦晒之徒竝起山谷間  
不可勝數其大聲者稱雷公騎白馬者爲張白騎輕便者  
言燕飛多髭者號于氐根大眼者爲大目如此稱號各有  
所因大者二三萬小者六七千賊帥常山人張燕輕勇趨  
捷故軍中號曰飛燕善得士卒心乃與中山常山趙郡上  
黨河內諸山谷寇賊更相交通衆至伯萬號曰黑山賊河  
北諸郡縣竝被其害朝廷不能討燕乃遣使至京師奏書

氏姓譜

卷三

七虞

朱氏

九

乞降遂拜燕平難中郎將使領河北諸山谷事歲得舉孝  
廉計吏燕後漸寇河內逼近京師于是出雋爲河內太守  
將家兵擊却之其後諸賊多爲袁紹所定復拜雋爲光祿  
大夫轉屯騎尋拜城門校尉河南尹時董卓擅政以雋宿  
將外甚親納而心實忌之及關東兵盛卓懼數請公卿會  
議徙都長安雋輒止之卓雖惡雋異已然貪其名重乃表  
遷太僕以爲已副使者拜雋辭不肯受因曰國家西遷必  
孤天下之望以成山東之釁臣不見其可也使者詰曰召  
君受拜而君拒之不問從事而君陳之其故何也雋曰副  
相國非臣所堪也遷都計非事所急也辭所不堪言所非  
急臣之宜也使者曰遷都之事不聞其計就有未露何所  
承受雋曰相國董卓具爲臣說所以知耳使人不能屈由  
是止不爲副卓後入關留雋守洛陽而雋與山東諸將通

謀爲內應既而懼爲卓所襲乃棄官奔荊州卓以宏農楊懿爲河南尹守洛陽雋聞復進兵還洛懿走雋以河南殘破無所資乃東屯中牟移書州郡請師討卓徐州刺史陶謙遣精兵三千餘州郡稍有所給謙乃上雋行車騎將軍董卓聞之使其將李傕郭汜等數萬人屯河南拒雋雋逆擊爲傕汜所破雋自知不敵留闕下不敢復前及董卓被誅傕汜作亂雋時猶在中牟陶謙以雋名臣數有戰功可委以大事乃與諸豪傑共推雋爲太師因移檄牧伯同討李傕等奉迎天子乃奏記于雋曰徐州刺史陶謙前揚州刺史周乾琅琊相陰德東海相劉熹彭城相汲廉北海相孔融沛相袁忠太山太守應劭汝南太守徐璆前九江太守服虔博士鄭元等敢言之行車騎將軍河南尹莫府國家旣遭董卓重以李傕郭汜之禍幼主劫執忠良殘敝長

氏姓譜

卷三

七虞 朱氏

三

安隔絕不知吉凶是以臨官尹人搢紳有識莫不憂懼以爲自非明哲雄霸之士曷能尅濟禍亂自起兵以來于茲三年州郡轉相願望未有奮擊之功而互爭私變更相疑惑謙等竝共諮諏議消國難僉曰將軍君侯旣文且武應運而出凡百君子靡不顛顛故相幸厲簡選精悍堪能深入直指咸陽多持資糧足支半歲謹同心腹委之元帥會李傕用太尉周忠尚書賈詡策徵雋入朝軍吏皆憚入闕欲應陶謙等雋曰以君召臣義不俟駕况天子詔乎且雋汜小豎樊稠庸兒無他遠畧又勢力相敵變難必作吾乘其間大事可濟遂辭謙議而就雋徵復爲太僕謙等遂罷初平四年代周忠爲太尉錄尚書事明年秋以日食免復行驃騎將軍事持節鎮闕東未發會李傕殺樊稠而郭汜又自疑與傕相攻長安中亂故雋止不出留拜大司農獻

帝詔雋與太尉楊彪等十餘人譬郭汜令與李傕和汜不肯遂留質雋等雋素剛即日發病卒子皓亦有才行官至豫章太守

朱普廣都人爲郡功曹太守與刺史王冀有隙枉被劾普詣新都獄掠笞連月肌肉臭腐卒證太守無事勅其子曰我死載喪詣闕使天子知我心

二國

朱建平沛國人也善相術于閭巷之間效驗非一曹操爲魏公聞之召爲郎文帝爲五官將坐上會客三十餘人文帝問已年壽又令徧相衆賓建平曰將軍當壽八十至四十時當有小厄願謹護之謂夏侯威曰君四十九位爲州牧而當有厄厄若得過可年至七十致位公輔謂應璩曰君六十二位爲常伯而當有厄先此一年當獨見一白狗

氏姓譜

卷下

七虞

朱氏

二

而旁人不見也謂曹彪曰君據藩國至五十七當厄于兵宜善防之初潁川荀攸鍾繇相與親善攸先亡于幼繇經紀其門戶欲嫁其妾與人書曰吾與公達曾共使朱建平相建平曰荀君雖少然當以後事付鍾君吾時啗之曰惟當嫁卿阿鶩耳何意此子竟早隕沒戲言遂驗乎今欲嫁阿鶩使得善處追思建平之妙雖唐舉許負何以復加也文帝黃初七年年四十病困謂左右曰建平所言八十謂晝夜也吾其決矣頃之果崩夏侯威爲兗州刺史年四十九十二月月上旬得疾念建平之言自分必死豫作遺令及送喪之備威使素辦至下旬轉差垂以平復三十日日景請紀綱大吏設酒曰吾所苦漸平明日雞鳴年便五十建平之戒真必過矣威罷客之後合瘳疾動夜半遂卒璩六十一爲侍中直省內欲見白狗問之衆人悉無見者于是



數聚會并急游觀田里飲宴自娛過期一年六十二卒曹彪封楚王年五十七坐與王凌通謀賜死凡說此輩無不如言不能具詳故粗記數事惟相司空王昶征北將軍程喜中領軍王肅有蹉跌云肅年六十二疾篤衆醫並以爲不愈肅夫人問以遺言肅云建平相我踰七十位至三公今皆未也將何慮乎而肅竟卒建平又善相馬文帝將出取馬外入建平道遇之語曰此馬之相今日死矣帝將乘馬馬惡衣香驚齧文帝膝帝大怒卽便殺之建平黃初中卒

**朱才**字君業爲人精敏善騎射孫權愛異之嘗侍從游戲少以父任爲武衛校尉領兵隨從征伐屢有功捷本郡議者以才少處榮貴未留意于鄉黨才乃歎曰我初爲將謂跨馬陷敵當身履鋒足以揚名不知鄉黨復追迹其舉措乎于是更折節爲恭留意于賓客輕財尚義施不望報又學兵法名聲始聞于遠近會疾卒

氏姓譜

卷下

七真

朱氏

三

**朱治**字君理丹陽故鄣人也初爲縣吏後察孝廉州辟從事隨孫堅征伐中平五年拜司馬從討長沙零桂等三郡賊周朝蘇馬等有功堅表治行都尉從破董卓于陽人入洛陽表治行督軍校尉特將步騎東助徐州牧陶謙討黃巾會堅薨治扶翼策依就袁術後知術政德不立乃勸策還平江東時太傅馬日禪在壽春辟治爲掾遷吳郡都尉是時吳景已在丹陽而策爲術攻廬江于是劉繇恐爲袁孫所并遂構嫌隙而策家門盡在州下治乃使人于曲阿迎太妃及權兄弟所以供奉輔護甚有恩紀治從錢唐欲進到吳吳郡太守許貢拒之于由拳治與戰大破之貢南就山賊嚴白虎治遂入郡領太守事策旣走劉繇東定會

稽權年十五治舉爲孝廉後策薨治與張昭等共尊奉權建安七年權表治爲九真太守行扶義將軍割婁由拳無錫毗陵爲奉邑置長吏征討夷越佐定東南禽截黃巾餘類陳敗萬乘等黃武元年封毗陵侯領郡如故二年拜安國將軍金印紫綬徙封故障權歷位上將及爲吳王治每進見權常親迎執版交拜饗宴贈賜恩敬特隆至于軍吏皆得奉贄私覲其見異如此初權弟翊性峭急喜怒快意治數責數諭以道義權從兄豫章太守賁女爲曹操子婦及操破荊州威震南土賁畏懼欲遣子入質治聞之求往見賁爲陳安危賁由此遂止權常歎治憂勤王事性儉約雖在富貴車服惟供事權優異之自令督軍御史典屬城文書治領四縣租稅而已然公族子弟及吳四姓多出仕郡郡吏常以千數治率數年一遣詣王府所遣數百人每

氏姓譜

卷三

七虞

朱氏

三

歲時獻御權報答過厚是時丹陽深地頗有姦叛亦以年且老思戀土風自表屯故鄣鎮撫山越諸父老故人莫不詣門治皆引進與其飲宴鄉黨以爲榮在故鄣歲餘還吳黃武三年卒在郡三十一年年六十九子才素爲校尉領兵嗣父爵

朱桓字休穆吳郡吳人也孫權爲將軍桓給事幕府除餘姚長往遇疫癘穀食荒貴桓分部良吏隱親醫藥殮殍相繼士民感戴之遷盪寇校尉授兵二千人使部伍吳會二郡鳩合遺散期年之間得萬餘人後丹陽鄱陽山賊蜂起攻沒城郭殺畧長吏處處屯聚桓督領諸將周旋赴討應皆平定稍遷裨將軍封新城亭侯後代周泰爲濡須督黃武元年魏使大司馬曹仁步騎數萬向濡須仁欲以兵襲取州上僞先揚聲欲東攻羨溪桓分兵將赴羨溪旣發卒

得仁進軍拒濡須七十里間桓遣使追還羨溪兵兵未到而仁奄至時桓手下及所部兵在者五千人諸將業業各有懼心桓喻之曰凡兩軍交對勝負在將不在衆寡諸軍聞曹仁用兵行師孰與桓邪兵法所以稱客倍而主人半者謂俱在平原無城池之守又謂士衆勇怯齊等故耳今仁旣非智勇加其士卒甚怯又千里步涉人馬罷困桓與諸軍共據高城南臨大江北背山陵以逸待勞爲主制客此百戰百勝之勢也雖曹不自來尙不足憂况仁等邪桓因偃旗鼓外示虛弱以誘致仁仁果遣其子泰攻濡須城分遣將軍常雕督諸葛虔王雙等乘油船別襲中洲中洲者部曲妻子所在也仁自將萬人留橐臬復爲泰等後拒桓部兵將攻取油船或別擊雕等桓等身自拒泰燒營而退遂臬雕生虜雙送武昌臨陣斬溺死者千餘權嘉桓功

氏姓譜

卷五

七虞

朱氏

二四

封嘉興侯遷奮武將軍領彭城相黃武七年鄱陽太守周魴譎誘魏大司馬曹休休將步騎十萬至皖城以迎魴時陸遜爲元帥全琮與桓爲左右督各督三萬人擊休休知見欺當引軍還自負衆盛邀于一戰桓進計曰休本以親戚見任非智勇名將也今戰必敗敗必走走當由夾石挂車此兩道皆險阨若以萬兵柴路則彼衆可盡而休可生虜臣請將所部以斷之若蒙天威得以休自效便可乘勝長驅進取壽春割有淮南以規許洛此萬世一時不可失也權先與陸遜議遜以爲不可故計不施行黃龍元年拜桓前將軍領青州牧假節嘉禾六年魏廬江主簿呂習請大兵自邇欲開門爲應桓與衛將軍全琮俱以師迎既至事露軍當引還城外有溪水去城一里所廣三十餘丈深者八九尺淺者半之諸軍勒兵渡去桓自斷後時廬江太

守李膺整嚴兵騎欲須諸軍半渡因追擊之及見桓節蓋  
在後卒不敢出其見憚如此是時全琮爲督權又令偏將  
軍胡綜宣傳詔命參與軍事琮以軍出無獲議欲部分諸  
將有所掩襲桓素氣高恥見部伍乃往見琮問行意感激  
發怒與琮校計琮欲自解因曰上自令胡綜爲督綜意以  
爲宜爾桓愈恚恨還乃使人呼綜綜至軍門桓出迎之願  
謂左右曰我縱手汝等各自去有一人旁出語綜使還桓  
出不見綜知左右所爲因斫殺之桓佐軍進諫刺殺佐軍  
遂託狂發詣建業治病權惜其功能故不罪使子異攝領  
部曲令醫視護數月復遣還中洲權自出祖送謂曰今寇  
虜尙存王塗未一孤當與君共定天下欲令君督五萬人  
專當一面以圖進取想君疾未復發也桓曰天授陛下聖  
姿當君臨四海猥重任臣以除姦逆臣疾當自愈桓性護

氏姓譜

卷五

七虞

朱氏

三五

前耻爲人下每臨敵交戰節度不得自由輒噴恚憤激然  
輕財貴義兼以強識與人一面數十年不忘部曲萬口妻  
子盡識之愛養吏士贍護六親俸祿產業皆與共分及桓  
疾困舉營憂戚年六十二赤烏元年卒吏士男女無不號  
慕又家無餘財權賜鹽五千斛以周喪事子異嗣  
朱異字季文以父任除郎後拜騎都尉代桓領兵赤烏四  
年隨朱然攻魏樊城建計破其外圍還拜偏將軍魏廬江  
太守交欽營在六安多設屯砦置諸道要以招誘亡叛爲  
邊寇害異乃身率其手下二千人掩破欽七屯斬首數百  
遷揚武將軍權與論攻戰辭對稱意權謂異從父驃騎將  
軍據曰本知季文愴定見之復過所聞十三年文欽詐降  
密書與異欲令自迎異表呈欽書因陳其僞不可便迎權  
詔曰方今北上未一欽云欲歸命宜且迎之若嫌其有讒

者但當設計網以羅之盛重兵以防之耳乃遣呂據督二萬人與異并力至北界欽果不降建興元年遷鎮南將軍是歲魏遣胡遵諸葛誕等出東興異督水軍攻浮梁壞之魏軍大破太平二年假節爲大都督救壽春圍不解還軍爲孫綝所枉害

朱據字子範吳郡吳人也有姿貌膂力又能論難黃武初徵拜五官郎中補侍御史是時選曹尚書暨豔疾貪汙在位欲沙汰之據以爲天下未定宜以功覆過棄瑕取用舉清厲濁足以沮勸若一時貶黜懼有後咎豔不聽卒敗權咨嗟將率發憤歎息追思呂蒙張溫以爲據才兼文武可以繼之由是拜建義校尉領兵屯湖孰黃龍元年權遷都建業徵據尚公主拜左將軍封雲陽侯謙虛拔士輕財好施祿賜雖豐而常不足用嘉禾中始鑄大錢一當五百後

氏姓譜

卷三

七虞

朱氏

六

據部曲應受三萬緡工王遂詐而受之典校呂壹疑據實取考問王者死于杖下據哀其無辜厚棺斂之壹又表據吏爲據隱故厚其殯權素責問據據無以自明藉草待罪數月典軍吏劉助覺言王遂所取權大感悟曰朱據見枉况吏民乎乃窮治壹罪賞助百萬赤烏九年遷驃騎將軍遭二宮構爭據擁護太子言則懇至義形于色守之以死遂左遷新都郡丞未到中書令孫宏譖潤據因權寢疾宏爲詔書追賜死時年五十七孫亮時二子熊損各復領兵爲全公主所譖皆死永安中追錄前功以熊子宣襲爵雲陽侯尚公主孫皓時宣至驃騎將軍

晉

朱伺字仲文安陸人少爲吳牙門將陶丹給使吳平內徙江夏伺有武勇而訥口不知書爲郡將督見鄉里士大夫

揖稱名而已及爲將遂以謙恭稱張昌之逆太守弓欽走  
灑口伺與同輩柳寶布興合衆討之不尅乃與欽奔武昌  
後更幸部黨攻滅之轉騎部曲督加綬夷都尉伺部曲等  
以諸縣附昌惟本部唱義討逆逆順有嫌求別立縣因此  
遂割安陸東界爲灑陽縣而貫焉其後陳斂作亂陶侃時  
鎮江夏以伺能水戰曉作舟艦乃遣作大艦署爲左甄據  
江口摧破斂前鋒斂弟恢稱荊州刺史在武昌侃率伺及  
諸軍進討破之斂恢旣平伺以功封亭侯領騎督時西陽  
夷賊抄掠江夏太守楊珉每請督將議距賊之計伺獨不  
言珉曰朱將軍何以不言伺答曰諸人以舌擊賊伺惟以  
力耳珉又問將軍前後擊賊何以每得勝邪伺曰兩敵共  
對惟當忍之彼不能忍我能忍是以勝耳珉大笑永嘉中  
石勒破江夏伺與楊珉走夏口及陶侃來戍夏口伺依之

氏姓譜

卷五

七虞

朱氏

云

加明威將軍隨侃討杜弢有殊功夏口之戰伺用鐵面以  
自衛以弩的射賊大帥數人皆殺之賊挽船上岸于水邊  
作陣伺逐水上下以邀之箭中其脛氣色不變諸軍尋至  
賊潰追擊之皆棄船投水死者大半賊夜還長沙伺追至  
蒲圻不及而反加威遠將軍赤幢曲益建興中陳聲率諸  
無賴二千餘家斷江抄掠侃遣伺爲督護討聲聲衆雖少  
伺容之不擊求遣弟詣侃降伺外許之及聲去伺乃遣勁  
勇要聲弟斬之潛軍襲聲聲正旦並出祭祀飲食伺軍入  
其門方覺聲將闚晉鄭進皆死戰伺軍人多傷乃還營聲  
東走保董城伺又幸諸軍圍守之遂重柴繞城作高櫓以  
勁弩下射之又斷其水道城中無水殺牛飲血闚晉聲婦  
弟也乃斬聲首出降又以平蜀賊襲高之功加伺廣威將  
軍領竟陵內史時王敦欲用從弟虞代侃爲荊州侃故將

鄭攀馬僑等乞侃于敦敦不許攀等以侃始滅大賊人皆樂附又以廩忌戾難事謀共距之遂屯結涓口遣使告伺伺外許之而稱疾不赴攀等遂進距廩旣而士衆疑阻復散還橫桑口欲入杜會時朱軌趙誘李桓率衆將擊之攀等懼誅以司馬孫景造謀距廩因斬之降軌等廩將西出遣長史劉浚留鎮揚口壘時杜會請討第五衙于襄陽伺謂廩曰曾是猾賊外示西還以疑衆心欲誘引官軍使西然後兼道襲揚口耳宜大部分未可使西廩性矜厲自用兼以伺老怯難信遂西行會等果馳還廩乃遣伺歸裁至壘卽爲會等所圍劉浚以壘北門危欲令伺守之或說浚云伺與鄭攀同者乃轉守南門賊知之攻其北門時鄭攀黨馬僑等亦來攻壘僑妻子先在壘內或請及其面以示之伺曰殺其妻子未能解圍但益其怒耳乃止伺常所調

氏姓譜

卷五

七虞

朱氏

六

弩忽際不發伺甚惡之及賊攻陷北門伺被傷退入船初浚開諸船底以木掩之名爲船械伺旣入賊舉鋌摘伺伺逆接得鋌反以摘賊賊走上船屋大喚云賊帥在此伺從船底沉行五十步乃免遇醫療剝小差杜會遣說伺云馬僑等感卿恩妻孥得活盡以卿家外內百口付僑僑已盡心收視卿可來也伺答曰賊無白首者今吾年六十餘不能復與卿作賊吾死當歸南妻子付汝乃還甌山時王廩與李桓杜會相持累戰甌山下軍士數驚喚云賊欲至伺驚剝而卒因壅甌山

朱冲字巨容南安人也少有至行閑靜寡欲好學而貧常以耕藝爲事鄰人失犢認冲犢以歸後得犢于林下大慙以犢還冲冲竟不受有牛犯其禾稼冲屢持芻送牛而無恨色主愧之乃不復爲暴威寧四年詔補博士冲稱疾不

應尋又詔曰東宮官屬亦宜得履蹈至行敦悅典籍者其以冲爲太子右庶子冲每聞徵書至輒逃入深山時人以爲梁管之流冲居近夷俗羌戎奉之若君冲亦以禮讓爲訓邑里化之路不拾遺邨無凶人毒蟲猛獸皆不爲害卒以壽終

前此

朱修之字恭祖義興平氏人也曾祖燾晉平西將軍祖序豫州刺史父謹蓋州刺史修之自州主簿遷司徒從事中郎文帝謂曰卿曾祖昔爲王導丞相中郎卿今又爲王宏中郎可謂不忝爾祖矣後隨到彥之北伐彥之自河南回留修之戍滑臺爲虜所圍數月糧盡將士熏鼠食之遂陷于虜初修之母聞其被圍既久常憂之忽一旦乳汁驚出母號泣告家人曰吾今已老忽復有乳汁斯不祥矣吾兒

氏姓譜

卷王

七虞 朱氏

元

其不利乎後問至修之果以此日陷沒拓跋燾嘉其守節以爲侍中妻以宗室女修之潛謀南歸妻疑之每流涕問其意修之鄭嘉其義竟不告也後鮮卑馮宏稱燕王治黃龍城拓跋燾伐之修之與同没人邢懷明竝從又有徐卓者復欲率南人竊發事泄被誅修之懷明懼奔馮宏宏不禮留一年會宋使傳詔至修之名位素顯傳詔見卽拜之彼國敬傳詔謂爲天子邊人見其致敬于修之乃始加禮時魏屢伐宏或說宏遣修之歸求救遂遣之泛海至東萊遇猛風花折垂以長索船乃復正海師望見飛鳥知其近岸須臾至東萊元嘉九年至京邑以爲黃門侍郎累遷江夏內史雍州刺史劉道產卒羣蠻大動修之爲征西司馬討蠻失利孝武初爲寧蠻校尉雍州刺史加都督修之在政寬簡士衆悅附及荊州刺史南郡王義宣反檄修之舉



兵修之僞與之同而遣使款誠于帝帝嘉之以爲荊州刺史加都督義宣聞修之不與已同乃以魯秀爲雍州刺史擊襄陽修之命斷馬鞍山道秀不得前乃退及義宣敗于梁山單舟南走修之率衆南定遣寇時竺超民執義宣修之至乃殺之以功封南昌縣侯修之治身清約凡所贈賂一無所受有餉或受之而旋與佐吏賄之終不入已唯以撫納羣蠻爲務徵爲左民尙書轉領軍將軍去鎮秋毫不犯計在州然油及牛馬穀草以私錢十六萬償之然性儉尅少恩情後墜車折腳辭尙書領宗憲太僕仍加特進金紫光祿大夫以脚疾不堪獨行特給扶侍卒贈侍中特進如故諡貞侯

朱百年會稽山陰人也祖愷之晋右衛將軍父濤揚州主簿百年少有高情親亡服闋攜妻孔氏入會稽南山以伐

氏姓譜

卷五

七虞

朱氏

三

樵採箬爲業以樵箬置道頭輒爲行人所取明且亦復如此人稍怪之積久方知是朱隱士所賣須者隨其所堪多少留錢取樵箬而去或遇寒雪樵箬不售無以自資輒自榜船送妻還孔氏天晴復迎之有時出山陰爲妻買繒纈三五尺好飲酒遇醉或失之頗能言理時爲詩詠往往有高勝之言郡命功曹州辟從事舉秀才並不就隱迹避人唯與同縣孔凱友善凱亦嗜酒相得輒酣對飲盡歡百年家素貧母以冬月無衣竝無絮自此不衣綿帛嘗寒時就凱宿衣悉祿布飲酒醉眠凱以卧具覆之百年不覺也旣覺引卧具去體謂凱曰縣定奇温因流涕惹痛凱亦爲之傷感除太子舍人不就顏峻爲東楊州發教餉百年穀五百斛不受孝建元年卒山中時年八十七蔡興宗爲會稽太守餉百年妻米百斛百年妻遣婢詣郡門奉辭固讓時

人美之以比梁鴻妻

朱謙之字處光吳郡錢塘人也父昭之以學解稱于鄉里謙之年數歲所生母亡昭之假塋田側為族人朱幼方燎火所焚同產姊密語之謙之雖小便哀戚如持喪年長不婚娶齊永明中刃殺幼方詣獄自繫縣令申靈勗表上別駕孔稚珪兼記室劉璣司徒左西掾張融賤與刺史豫章王請宥之豫章王言之武帝時吳郡太守王慈太常張緒尚書陸澄竝表論其事武帝嘉其義慮相復報乃遣謙之隨曹虎西行將發幼方子憚于津陽門伺殺謙之謙之之兄翼之又刺殺憚有司以聞武帝曰此皆是義士不可問悉赦之吳興沈顛聞而歎曰弟死于孝兄殉于義孝友之節萃此一門翼之字處林有志節著辯相論幼時顧歡見而異之以女妻焉官至江夏王參軍

氏姓譜

卷三

七虞 朱氏

三

朱异字彥和與子也年數歲外祖顧歡撫之謂异祖昭之曰此兒非常器當成卿門戶年十餘歲好羣聚蒲博頗為鄉黨所患既長乃折節從師遍治五經尤明禮易涉獵文史兼通雜藝博奕書算皆其所長年二十詣都尚書令沈約面試之因戲异曰卿年少何乃不廉异逡巡未達其旨約乃曰天下唯有文義恭書卿一時將去可謂不廉也其年上書言建康宜置獄司比廷尉敕付尚書議詳從之舊制年二十五方得釋褐時年適二十一特敕擢為揚州議曹從事史尋有詔求異能之士五經博士明山賓表薦之梁武帝召見使說孝經周易義甚悅之謂左右曰朱异實異後見明山賓謂曰卿所舉殊得其人仍召异直西省俄兼太學博士其年帝自講孝經使异執讀遷尚書儀曹郎入兼中書通事舍人累遷鴻臚卿太子右衛率尋加員外

常侍普通五年大舉北伐魏徐州刺史元法僧遣使請舉  
地內屬詔有司議其虛實异曰自王師北討尅獲相繼徐  
州地轉削弱咸願歸罪法僧法僧懼禍之至其降必非僞  
也帝仍遣异報法僧并敕衆軍應接受异節度既至法僧  
遵奉朝旨如异策焉中大通元年遷散騎常侍自周捨卒  
後异代掌機謀方鎮改換朝儀國典詔諧敕書竝兼掌之  
每四方表疏當局簿領諮詢詳斷填委于前异屬辭落紙  
覽事下議從橫敏贍不暫停筆頃刻之間諸事便了大同  
四年遷右衛將軍六年异啟于儀賢堂奉述武帝老子義  
敷許之及就講朝士及道俗聽者千餘人爲一時之盛時  
城西又開士林館以延學士异與左丞賀琛遞日述武帝  
禮記中庸義皇太子又召异于元圃講易八年改加侍中  
太清元年遷左衛將軍領步兵二年遷中領軍舍人如故

氏姓譜

卷三

七虞

朱氏

三

武帝夢中原平舉朝稱慶旦以語异异對曰此宇內方一  
之徵及侯景歸降敕召羣臣議尙書僕射謝舉等以爲不  
可武帝欲納之未決嘗風興至武德閣自言我國家承平  
若此今便受地詎是事宜脫致紛紜悔無所及异探帝微  
旨應聲答曰聖明御宇上應蒼元北土遺黎誰不慕仰爲  
無機會未達其心今侯景分魏國大半遠歸聖朝今若不  
容恐絕後來之望帝深納异言又感前夢遂納之及貞陽  
敗没自魏遣使還述魏相高澄欲更申和睦敕有司定議  
异又以和爲允帝果從之其年六月遣建康令謝挺通直  
郎徐陵使北通好時侯景鎮壽春累啟絕和及請遣使又  
致書與异辭意甚切异但述敕旨以報之八月景遂舉兵  
反以討异爲名募兵得三千人及景至仍以其衆守大司  
馬門初景謀反合州刺史酈陽王範司州刺史羊鴉仁竝

累有啟聞異以景孤立寄命必不應爾乃謂使者鄱陽王遂不許國家有一容竝抑而不奏故朝廷不爲之備及尅至城內文武咸尤之皇太子又製圍城賦其末章云彼高冠及厚履竝鼎食而乘肥升紫霄之丹地排玉殿之金屏陳謀謨之啟沃宣政刑之福威四郊以之多壘萬邦以之未綏問豺狼其何者訪虺蜴之爲誰蓋以指于異異因慙曠發病卒時年六十七詔贈尙書右僕射所撰禮易講疏及儀注文集百餘篇多亡逸長子肅官至國子博士次子閏司徒掾並遇亂卒

朱寶有仙術誌往來都邑已五六年宋齊之交稍顯靈跡飲啗同于凡俗以銅鏡剪刀鐏掛杖頭預言未兆齊武帝忿其惑衆收付獄且日咸見遊行市里旣而檢校猶在獄中武帝乃迎入華林園其他靈異甚衆梁天監中無疾而

氏姓譜

卷五

七虞

朱氏

三

終堊鍾山獨龍之阜元天歷間累加號道林真覺慧威慈普應濟禪師

朱長生代人也魏孝文帝時爲員外散騎常侍與于提俱使高車至其庭高車主阿伏至羅責長生等拜長生拒之曰我天子使安肯拜下土諸侯阿伏至羅乃不以禮待長生以金銀寶器奉之至羅旣受獻長生曰爲臣內附宜盡臣禮何得口云再拜而實不拜呼出帳命衆中拜阿伏至羅慙其臣下大怒曰帳中何不教我拜而辱我于大衆奪長生等獻物囚之業石之中兵脅之曰汝能爲我臣則活如其不降殺汝長生與于提瞋目厲聲責之曰豈有天子使人拜汝夷我寧爲魏鬼不爲汝臣至羅滿怒絕其飲食從行者三十八人皆求至羅乃給以肉酪長生與提又不從乃各分徙之積三歲乃得還孝文以長生等守節遠同蘇武

甚嘉之拜長生河內太守提隴西太守竝賜爵五等男從者皆爲令長

朱瑞字元龍代郡桑乾人祖就沛縣令父惠行太原太守瑞貴達竝贈刺史瑞長厚質直敬愛人士余朱榮引爲大行臺郎中甚見親任以爲黃門侍郎仍中書舍人榮恐朝廷事意有所不知故居之門下爲腹心之寄封陽邑縣公及元顥內逼從車駕于河陽除侍中兼吏部尚書改封北海郡公魏莊帝還洛改封樂陵郡公仍侍中瑞雖爲余朱榮所委而善處朝廷間帝亦賞遇之曾謂侍臣曰爲人臣當須忠實至如朱元龍者朕待之亦不異餘人瑞以青州樂陵有朱氏意欲歸之故求爲青州中正又以滄州樂陵亦有朱氏而心好河北遂乞三從內竝屬滄州樂陵郡詔許之仍轉滄州大中正尔朱榮死瑞與尔朱世隆俱北走

氏姓譜

卷五

七虞

朱氏

三

既而以莊帝待之素厚且見世隆等竝無雄才終當敗喪于路乃還帝大悅時尔朱天光擁衆闕右帝欲招納之乃以瑞兼尚書左僕射爲西道大行臺以慰勞焉既達長安會尔朱兆入洛復還京師都督斛斯椿先與瑞有隙數譖之于世隆世隆遂誅之時年四十九太昌初贈開府儀同三司青州刺史諡曰恭穆

朱文濟字徽達吳興人有素履自賣以葬母太守謝濤命爲儒林不就

朱幼漢沛國朱雲之後曾祖汎晋大典中爲臨海太守有政聲秩滿居蒲墟村遂爲烏義人幼仕齊遷揚州刺史有功人歌曰朱幼護江東人安盜賊空

朱明吳郡人孝義立身而家大富與弟同居弟妻欲析居明知弟意乃以金帛餘穀盡給與弟唯留空宅忽一夕在

風驟起悉吹財帛盡歸明家弟與妻羞見鄉里遂自盡明乃舍宅爲寺號爲朱明寺

朱昌寧永城人有孝行母病思瓜時四月初瓜未熟昌寧于瓜田中號泣一夕瓜盡熟取之以奉母母病頓瘥開皇中有司上其事詔旌表之

朱忠亮字仁輔汴州浚儀人舉明經不中往事昭義節度使薛嵩爲裨將屯普潤開田時糧以功擢太子賓客朱泚亂率麾下四十騎至奉天封東陽郡王爲定難功臣扈狩梁州爲賊鈔獲繫長安獄賊平李晟釋之奏隸本軍累遷定平軍使憲宗立加御史大夫涇州將楊琦謀拒詔爲亂方集諸校計事屋壞琦壓死乃授忠亮涇原四鎮節度使

氏姓譜 卷五

七虞 朱氏

三五

本名士明至是賜今名隱覈軍籍得竄名者三千人歲收乾沒十萬緡吏白耄卒不任戰者可罷答曰古于老馬不棄况戰士乎聞者莫不感奮涇俗舊多賣子忠亮以財贖免者前後數百築潘原城有勞改封丹陽卒贈尙書右僕

射諡曰靈

朱桃椎益州成都人澹泊絕俗被裘曳索人莫能測其爲長史竇軌見之遺以衣服鹿幘麕鞞通署卿正委之地不肯服更結廬山中夏則羸冬緝木皮葉自蔽贈遺無所受嘗織十芒屨置道上見者曰居士屨也爲鬻米茗易之置其處輒取去終不與人接其爲屨草柔縞環結促密人爭躡之高士廉爲長史備禮以請降階與之語不答瞪視而出土廉拜曰祭酒其使我以無事治蜀邪乃簡條日薄賦斂州大治屢遣人存問見輒走林草自匿云

朱子查蘇州吳人從鄉人顧彪授左氏春秋善文辭隋大業中爲直祕書學士天下亂辭疾還鄉里後從杜伏威入朝授國子助教太宗貞觀初高麗百濟同伐新羅連年兵不解新羅告急帝假子奢員外散騎侍郎持節諭旨平三國之憾子奢有儀觀夷人尊畏之二國上書謝罪贈遺甚厚初子奢行帝戒曰海夷重學卿爲講大誼然勿入其幣還當以中書舍人處卿子奢唯唯至其國爲發春秋題納其美女帝責違旨而猶愛其才以散官直國子學累轉諫議大夫宏文館學士帝嘗詔起居紀錄臧否朕欲見之以知得失若何子奢曰陛下所舉無過事雖見無嫌然以此開後世史官之禍可懼也史官全身畏死則悠悠千載尙有聞乎池陽合崔文康坐事檄陽尉魏禮臣劾治獄成御史言其枉禮臣訴御史阿黨乞下有司雜訊不如所言請

氏姓譜

卷五

七虞

朱氏

三六

死鞫報禮臣不實詔如請子奢曰在律上書不實有定罪今抵以死死者不可復生雖欲自新弗可得且天下惟知上書獲罪欲自言者皆懼而不敢申矣詔可子奢爲人樂易能劇談以經誼緣飾每侍宴帝合論難羣臣恩禮甚篤卒于官

朱灣字巨川西蜀人號滄州子操履貞素放情江湖郡國交徵潛耀不起寄食漂母夜眠漁舟時共高之詩體清逸典用宏深因詞寓意窮理盡性歌咏尤工元和間辟李勉

永平從事卒

朱放字長通襄陽人隱于越之剡溪嗣曹王臯鎮江西辟爲節度參謀貞元初召爲拾遺皆不就著詩一卷朱仁軌字德容亳州永城人敬則兄隱居養親常誨子弟曰終身讓路不枉百步終身讓畔不失一段有赤烏白鵲

棲所居樹授察使趙承恩表其異及卒郭山輝員半千魏知古共諡爲孝友先生

朱敬則字少連以孝義世被旌顯一門六闕相望敬則志尚恢博好學重節義素然諾善與人交振其急難不責報于人與三從昆弟居四十年貲產無異及執政每以用人爲先薦魏知古爲鳳閣舍人張思敬爲右史皆稱職睿宗嗣位嘗曰神龍以來忠于本朝者李多祚王同皎韋月將燕欽融竝襄復矣尚有遺者邪劉幽求曰朱敬則忠正義烈天下所推任侍御史爲冉祖雍等所誣貶涪州刺史既明其非罪改廬州代還無淮南一物所乘止一馬子曹步從以歸卒年七十五後追贈祕書監諡曰元

朱心鑑華亭人母生時有異香稍長出家詣嵩嶽受具戒大中間居洛陽長壽寺尋歸始蘇再往明州樓心寺所在

氏姓譜

卷十一

七虞

朱氏

七

禪者雲集成通中示寂葬天童山賜號心鑑塔曰壽相

五代

朱弼任南唐爲廬山國學助教動持禮法每升堂講釋生徒環立各執疑難問辯蜂起弼應聲解說莫不造理以故諸生咸服四方肄業者多造焉

朱存金陵人讀書甚詳六朝興敗成亡之迹任南唐作覽古詩二百章

宋

朱熹字元晦婺源人父松依其友劉子羽寓建之崇安松字喬年第進士胡世將謝克家薦除祕書正字趙鼎爲相進校書著作郎常同又薦陞度支員外郎史館校勘歷司勳吏部郎中以論和議忤秦檜風御史言松懷異自賢出知饒州未上卒熹幼穎悟甫能言父指天示之曰天也熹



聞天之上有何物父異之授以孝經題其端曰不如是非人也嘗從羣兒戲沙上端坐以指畫爲八卦慨然有求道之志年十八貢于鄉登進士調同安簿選秀民充弟子員日與講說聖賢修己治人之道禁女婦出家爲僧道旋請祠監潭州南嶽廟孝宗卽位三上書首言帝王之學不可不熟講陛下毓德之初親御簡策不過諷誦文辭吟詠情性又頗留意老釋夫記誦詞藻非所以探淵源而出治道虛無寂滅非所以貫本末而立大中必先格物致知使義理所存纖悉畢照則自然意誠心正而可以應天下之務矣次言修攘之計不可以不早定今乃以講和之說誤之願斷以義理之公閉關絕約任賢使能立紀綱厲風俗數年之後國富兵強視吾力之強弱觀彼釁之淺深徐起而圖之再次言監司守令本原之地在朝廷不可以不加意

氏姓譜

卷下

七虞

朱氏

三

今乃姦賊狼籍肆虐以病民者莫非宰執臺諫之親舊寬容其已失勢者既接見其交私之狀則夫尙在勢者豈無其人乎隆興元年入對又言陛下雖有生知之資高世之行而未嘗隨事以觀理卽理以應事是以舉措之間動涉疑貳聽納之際未免蔽欺治平之效所以未著次言君父之讐不共戴天今所當爲者非戰無以復讐非守無以制勝因陳古先聖王張本折衝威制遠人之道除武學博士既而與洪适論和不合丐歸乾道三年陳俊卿劉珙薦爲密院編修內艱免喪梁克家特申前命又辭詔獎熹安貧守道廉退可嘉改主管台州崇道觀熹自以求退得進于義未安再辭淳熙元年始拜命夔茂良薦授祕書郎力辭復主管武夷山冲佑觀五年史浩起知南康軍至郡興利除害值歲旱講求荒政勸人出粟多所全活訖事奏乞依

格推賞間詣郡學引進士子與之講論奏復白鹿洞書院  
創立學規人皆遵守明年大旱應詔條具民間利病熹上  
疏上讀之怒曰是以我爲亡也熹引疾請祠陳俊卿薦之  
甚力趙雄爲帝言士多好名陛下疾之愈甚則人譽之愈  
多無乃適所以高之不若因用其長使漸常事任能否自  
見上以爲然除提舉江西常平茶鹽公事錄前救荒之勞  
加直祕閣辭以所奏出粟人未推賞俟賞行始受職入對  
首陳災異之由與修德任人之說上爲動容會近郊大饑  
宰相王淮奏改浙東提舉即日單車就道移書他郡募米  
商蠲其征比至則米舟麇集矣熹又日鉤訪民隱按行郡  
縣官吏憚其風采多自引去所部肅然釐革丁錢和買役  
法權酷政有不便于民者隨事處畫必爲經久之計上語  
王淮曰熹之政事却有可觀時蝗旱相仍前後奏請稽緩

氏姓譜

卷五

七虞

朱氏

元

後時熹不勝憂憤復奏爲今之計獨有斷自聖心沛然發  
號責躬求言其次盡出內庫之錢以供大禮之費爲收糶  
之本詔戶部免徵舊負漕臣依條檢放宰職沙汰被災路  
分州軍監司守臣之無狀者各選賢能責以荒政庶幾猶  
足以結人心消其乘時作亂之意不然臣恐所憂者不止  
于饑殍而將在于盜賊蒙害者不止于郡縣而上及于國  
家也熹行部至台州台民訟知州唐仲友者以百數熹訊  
得其實連上章劾之上令浙西提刑委清強官究實王淮  
與仲友同里且嫻家頗忿怒不得已奪仲友江西提刑新  
命轉以授熹辭不肯拜乞奉祠適陳賈除御史偕鄭丙力  
詆程氏之學且以沮熹指言近日有所謂道學者大率假  
名以濟僞願考察其人擯棄勿用遂奉崇道祠者五年淮  
罷周必大相除熹提點江西刑獄入奏言近年刑獄失當

經總制錢病民及江西諸州科罰積弊初熹赴召或勸以正心誠意之論上所厭聞願勿爲言答曰吾平生所學惟此四字豈可隱默以欺君子及奏上諭久不見卿今當處清要不復以州縣爲煩也除兵部郎官以足疾辭丐依舊職改直寶文閣主事嵩山崇福宮又上封事疏入夜漏下七刻上已就寢亟起秉燭讀之終篇明日除主事管中太一宮兼崇政殿說書力辭改祕閣修撰奉外祠光宗卽位降詔獎諭擢知漳州奏罷屬縣無名之賦七百萬減經總制錢四百萬俗未知禮揭古喪塋嫁娶之儀以示禁男女傳經聚僧廬爲會及女不嫁而菴居者會朝議欲行泉汀漳三州經界熹乃訪事宜擇人物及方量之法上之後不果行子喪請嗣復主事南京鴻慶宮翊善黃裳自言學不及熹與彭龜年奏乞召爲宮僚留正謂非不知熹恐其性剛

氏姓譜

卷五

七虞

朱氏

甲

不合反爲累耳乃差知潭州申勅屬郡令嚴武備遣人諭洞獠以禍福戢姦吏抑豪民所至興學明教四方學者羣至寧宗卽位趙汝愚首薦赴行在因奏太皇太后躬定大策陛下寅紹不圖前日未嘗有求位之心今日未嘗忘思親之念願充未嘗求位之心以盡負罪引慝之意充未嘗忘親之心以致溫清定省之禮會趙彥逾按視山陵言會稽土鹵淺薄下有水石孫逢吉覆按別求吉兆有旨集議上言壽皇聖德衣冠之藏當博訪名山不宜偏信臺史委之水泉沙礫之中不報有旨修葺東宮欲徙居之熹奏此必左右近習倡爲邪說以誤陛下而欲因以遂其姦心臣恐不惟無以感格太上皇帝之心亦恐壽皇在殯興作土木神靈或有未安又聞太上皇后懼忤太上聖意不欲其聞太上之稱又不欲聞內禪之說此又慮之過者父子大

倫三綱所繫久而不圖將有借其名以造謗生事者此又臣所大懼願陛下明詔大臣首罷修葺回就慈福重華之間草創寢殿使麤可居又願下詔自責減省輿衛過宮之日暫變服色如唐肅宗改服紫袍執控馬前以伸負罪引慝之誠則太上雖有忿怒之情亦且霍然消散至若朝廷紀綱則願嚴詔左右勿預其實有勲庸而褒賞未極者並詔大臣公議其事稽考令典厚報其勞凡號令之弛張人才之進退一以委之大臣使反覆較量酌取公道繳駁論難擇其善者稱制臨決則不惟近習不得干預朝權大臣不得專任已私而陛下亦得以明習天下之事而無所疑于得失之算矣疏入不報又勉上進德疏言願陛下于日用之間以求放心爲之本玩經史近儒學數召大臣切劘治道羣臣進對賜以溫顏反覆詢訪以求政事之得失民

氏姓譜

卷三

七虞

朱氏

四

情之休戚而因以察其人才之邪正短長庶于天下之事各得其理不聽除爲國史實錄院同修撰辭不允上疏論劾韓侂胄居中用事防微杜漸間不可忽御批憫卿者艾恐難立講可除宮觀以爲寶文閣待制固辭州郡差遣依舊提舉鴻慶宮沈繼祖誣以十罪落職罷祠慶元五年致仕六年三月卒年七十一臨沒正坐整衣冠遺書屬其子及門人范念德黃翰拳拳以勉學及修正遺書爲言家故貧非其道義一介不取徙建陽考亭篋瓢屢空晏如也諸生遠至與共豆飯藜羹登第五十年仕祇九考立朝纔四十日黨禁嚴錮猶日與諸生講學不休或勸其謝遣笑而不答其爲學必務窮理以致其知反躬以踐其實而以居敬爲主嘗謂聖賢道統之傳散在方冊聖經之旨不明而道統之傳始晦乃竭其精力以研窮聖賢之經訓所著易

本義敬蒙著卦考誤詩集傳學庸章句或問語孟集註太極圖通書西銘解楚辭集註辨證韓文考異所編次論孟集議孟子指要中庸輯畧孝經刊誤小學書通鑑綱目宋名臣言行錄家禮近思錄程氏遺書伊洛淵源及儀禮經傳通解末脫藁皆行于世及將窆復有言其徒送偽師之壘四方會聚非妄談時人短長則繆議時政得失下令隨處守臣約束嘉泰初學禁稍弛詔復華文閣待制與致仕恩澤侂胄死復遺表恩賜諡曰文嘉定二年贈中大夫寶謨閣直學士寶慶三年贈太師追封信國公紹定三年改徽國公淳祐初從祀孔子廟廷以其學庸語孟訓說立于學宮有文集百卷生徒問答八十卷別錄十卷黃幹稱道之正統待人而後傳世以爲知言子塾贈中散大夫在紹定中爲吏部侍郎

氏姓譜

卷五

七虞 朱氏

四

朱光庭字公掞偃師人父景字伯晦第進士調榮澤簿知沂源縣發廩振給多所全活歷汝壽二州築外郭以環居民公私稱便終光祿卿年七十一光庭誠明篤實行直而方少從孫復學春秋見二程于洛服膺其訓造次不忘以格物致知爲進道之門誠意正心爲入德之方辭父蔭登嘉祐進士調萬年簿歷修武桓曲縣令曾孝寬薦于神宗召見問欲再舉安南之師何如光庭對曰得其地不可居得其民不可使何益于治又問有所聞乎對曰陛下更張法度臣下奉行或非聖意故有便有不便誠能去其不便則天下受福矣除簽書河陽判官從呂大防于長安朝廷五路討西夏雍爲都會事倚以辦調發期會非旨不從使者怒求免大防爲之解元祐初司馬光薦爲左正言新法之罷多所論列山陵使蔡確先靈駕而行光庭劾其不敬

并言章惇欺罔肆辯韓縝挾邪冒寵太后嘉其守正合盡  
言毋有所避遷左司諫與蘇軾不合奏軾發策試館職不  
當以瑜刻二字加于仁祖難名之盛德神考有爲之善志  
太后謂詳覽文意是指今百官有司監司守令而言非所  
以諷祖宗也乃止河北饑持節行視發廩振民議者病以  
兵儲耗竭改左司員外郎遷太常少卿拜侍御史論蔡確  
怨謗轉右諫議大夫給事中乞外除集賢殿修撰知亳州  
召還復爲給事封還劉摯罷相麻制仍落職守毫歲餘徙  
潞州隣境饑日爲糜以食流民常至暮不暇自食遂感疾  
猶力出視事因禱雨拜不能興卒年五十八光庭天性純  
孝丁內外艱廬墓哀毀事叔父如父教諸弟以孝悌後入  
黨禁胡安國嘗稱公揆與張天祺可謂奮不顧身盡忠許  
國者矣徽宗立復其官子純之假承務郎

氏姓譜

卷五

七虞

朱氏

三

朱昭字彥明府谷人父克勤禮賓使贈離州團練使昭以  
效用進累官秉義郎宣和末爲震武城兵馬監押攝知城  
事金兵內侵夏人乘虛盡取河外諸城鎮震武距府州三  
百里最爲孤絕昭率老幼嬰城募驍銳千餘人約曰賊知  
城中虛實有輕我心若出其不意攻之可一鼓而潰乃乘  
夜縋兵出薄其營敵果驚亂城上鼓譟隨之殺獲甚衆其  
長悟兒思齊以擅盾自蔽介而來邀昭與計事昭常服登  
陣見之思齊却盾而前數宋人失信曰大金約我夾攻京  
師入太原旦暮且下麟府諸壘悉已歸我公何恃而不降  
昭取禪位詔赦投之曰上皇知姦邪誤國改過不吝汝尙  
未知今天子聖政一新乎時諸賊降者從旁語曰天下事  
已無所施昭大罵引弓射之衆走凡被圍四日城多圯壞  
昭知不可支還坐廳事召諸校曰城且破妻子不可爲賊

汚幸先戕我家然後背城死戰勝則東嚮以圖大功不勝則暴骨境內大丈夫一生之事畢矣衆未應昭遽起殺其幼子盡驅家人納之井中覆以土合將士盡殺其妻孥曰我與爾曹俱無累矣部落有陰與賊通者報曰朱昭與其徒各殺其家人將出戰人雖少死士也賊大懼以利陷守兵得登城昭勒衆于通衢接戰自暮達旦屍填街不可行乃躍馬從缺城出馬蹶墜塹賊驩曰得朱將軍矣欲生致之昭瞋目接劍賊無敢前者旋中矢死年四十六

**朱壽昌**字康叔天長人父巽守京兆尹妾劉氏生壽昌方娠而出至數歲仍歸父家既長以蔭守將作監通判陝州權知岳州母子不相聞者五十年壽昌宦遊四方求之不置飲食罕御酒肉與人言輒流涕熙寧初與家人訣棄官入秦不見母誓不生還行至同州得焉劉嫁党氏有數子

氏姓譜

卷五

七虞

朱氏

四

年已七十餘悉邈以歸京兆錢明逸以事聞詔還就官天下名聞其孝士大夫爭詠歎之因求便養通判河中府數歲母卒居喪哀毀幾于喪明既葬有白鳥巢墓上撫同母弟妹益篤累知鄂州提舉崇禧觀至司農少卿中散大夫卒年七十生平勇于爲義喜周人急無所吝嫁兩孤女葬十餘喪蓋天性如此

**朱台符**字拱正眉山人父賦舉拔萃科歷度支判官終殿中丞台符少聰穎十歲能屬辭嘗作黃山樓記士友稱之及長善詞賦尺晷而成太宗親試貢士多擢敏速者遂登第解褐將作監丞通判青州人直史館賜緋魚再遷祕書丞知浚儀縣咸平初同知貢舉擢太常博士出爲京西運副上言北邊爲梗自古所有歷代經營未爲無策我太祖酌取中道與民休息遣使往來二十年間大省戍邊之卒

不與出塞之兵闕防寧謐府庫充溢深得制禦之道太宗平晉之後因其兵勢將遂取之人雖協謀天未厭亂自茲以來大肆克鋒旣阻歡盟復爲備禦屯士馬益將帥輓芻粟委金帛給賞賜不可勝數陛下自天受命與物更始李繼遷受節黎桓加爵威命使者鎮撫其邦惟于契丹未加澆澤非所以柔遠能邇昭王道之無偏也今祥禪將終中外引頸觀聽德音宜于此時赦旣往之罪修鄰國之好擇文武才畧辯說之士往告諭之彼必歡悅慕義遣使朝貢因與復尋舊盟利以貨財許以闕市如太祖故事使之懷恩畏威則兩國和好無北顧之憂可以專力西鄙是一舉而兩得也時論躉之二年旱應詔上言陛下踐阼以來彗星一見時雨再愆彗星者兵之象也時雨愆者澤未流也宜重農積粟簡卒省費專將帥之任慎守令之選節無名

氏姓譜

卷十一

七虞

朱氏

五

之賞賜罷不急之造作考課黜陟輕徭均賦教化有未行者行之廉耻有未立者立之責任大臣不使法有滋章之條吏無惻隱之實奏入名爲鹽鐵判官改判戶部勾院拜工部員外郎換度支判官景德初代鄭文寶爲陝西運副仍賜金紫台符俊爽好謀然頗事更革煩擾以苛碎爲舉職運使楊覃欲因仍舊貫事多違戾徙知郢州三年召還執政有不喜者復出知洪州卒于舟次年四十二上甚悼惜之賜其子公佐同學究出身卒又以次子壽隆試將作監主簿平生有文學及著述可稱喜延譽後進有集三十卷弟昌符亦進士爲屯田員外郎

朱京字世昌南豐人父軾有隱德京博學淹貫登甲科教授亳州應天人爲太學錄神宗數召見論事擢監察御史時因用事乖異中丞及同僚多罷去京抗疏曰御史之職



假之則重畧之則輕今名爲耳目計不得行言不得用屢  
進屢退則言者不若緘默爲賢直者不若柔從爲智偷安  
取容雖得此百數何益于國乎他日入見帝勞之曰昨覽  
卿奏疏所補多矣京風神峻整見者憚之目爲真御史每  
移閣門班當對帝必趨之或爲留班以須未幾論大臣除  
擬有愛憎之私中書言其失實謫監興國軍監稅歷太常  
博士湖北京西江東轉運判官提黜淮西刑獄入爲司封  
員外郎元符初遷國子司業元祐時進幸太學頌或摘其  
語有及先朝者京乃辭官徽宗初復之踰月而卒

朱弁字少章婺源人少穎悟讀書日數千言入太學晁說  
之見其詩奇之輿歸新鄭妻以兄女客遊汴洛間地多故  
家遺俗聞見日廣靖康亂家碎于賊始南歸高宗議遣使  
問安兩宮弁奮身自獻詔補修武郎借吉州團練使爲通

氏姓譜

卷三

七虞

朱氏

吳

問副使至雲中見枯罕邀說甚切不聽使就館守之以兵  
弁復遺書備言用兵講和利害二年金忽遣宇文虛中至  
館中言和議可成當遣一人詣元帥府受書弁與正使王  
倫探策以決去留弁曰吾來自分必死豈應今日覬倖先  
歸願正使受書歸報天子早成兩國之好申四海之養于  
兩宮吾雖暴骨外國猶生之年也但使必有節願留使印  
俾弁得抱以死則死且不朽倫乃解以授弁懷之卧起旣  
而金人迫弁仕劉豫且誅之以爲南歸之漸弁曰豫乃國  
賊吾恨不食其肉忍北面臣之耶惟有死耳金人怒絕其  
餼弁忍饑待盡不爲屈金人感動致禮如初久之復欲易  
其官弁曰自古兵交使在其間言可從從之不可從則或  
囚或殺官乃受之本朝寧死誓不辱復移書耶律紹文等  
曰上國之威命朝以至則使人夕以死夕以至則朝以死

又與後使洪皓等訣曰殺行人非細事吾曹遭之命也要當舍生全義爾因具酒食名被掠士夫飲語曰吾已得近郊某寺地一旦畢命諸公幸痊我其處題其上曰有宋通問副使朱公墓幸矣衆皆泣莫能仰視弁談笑自若曰此人臣當然諸君何戚金人知其終不可屈不復強倫還具言之帝爲官其子林賜其家銀帛弁又密疏粘罕等相繼死滅及金國虛實曰此不可失之時復遣李發等間行歸報其後倫再使歸又上其奉送徽宗大行之文其辭有曰歎馬角之未生魂消雪窖攀龍髯而莫逮淚灑冰天帝讀之感泣官其親屬五人賜吳興田五頃語宰相張浚曰歸日當處以禁林會金使烏陵思謀石慶稱弁忠節賜黃金三十兩十三年和議成始得歸人見便殿謝曰人所難得者時事不可失者幾陛下與金人講和上返梓宮次迎太

氏姓譜

卷五

七虞

朱氏

七

母又次憐赤子之無辜此皆知時知幾明驗然時運而往或難固執幾動有變宜鑑未形盟可守而詭詐之心宜嘿以待之兵可息而銷彌之術宜詳以講之金人以黷武爲至計虐民而不恤民以苟安爲太平廣地而不廣德此皆天助中興之勢陛下旣知幾與時于始願圖厥終秦檜惡所言有司校其考初補宣教郎直祕閣經十七年應遷數官檜沮之僅得奉議郎明年卒其爲文慕陸宣公援據精博曲盡事理金國名王貴人多遣子弟就學因文字往來說和好之利歸述北方忠臣義士朱昭史玩張忠輔高景平孫益孫谷傳偉文李丹五臺僧寶真婦人丁氏晏氏小校闢進朱勛死節事請褒錄有聘遊集四十二卷書解十卷曲洎舊聞三卷續說一卷雜書一卷風月堂詩三卷氏姓譜卷二十一終

